

南江縣志

昆明志 348

地 1280.307

36

1-4



輯尤畧今先生勤勤於此者數年又
與邑之人士遊處採輯舊聞網羅放失裒
然成帙編爲三卷首天文山川次田賦人
物次詩文雜記用以備諮諏昭激勸莫近
於是書邑之人士慇懃付梓先生抑然未
之許也余曰書莫難於志而志之創始尤
尤生爲其難者於草創討論之功亦可

序

二

云精覈無憾矣後之作者考訂有資潤色
有本皆先生力也安得不徇邑人之請而
爲枕中之秘耶先生然之爰次其言而弁
諸簡端

賜進士出身知南江縣事愚弟胡炳頓首
拜譔

序

目錄

凡例

上卷

天文

星象

輿圖

沿革

疆域

形勢

風俗

山

嶺

巖

壘

洞

石笋

峽

水

河

澗

潭

池

井

南江縣志

上卷

城池

衙署

關隘

堡

寨

祠廟

寺觀

名墓

橋梁

驛遞

物產

中卷

田賦

戶口

倉穀

鹽法

茶法

官職

祀典

文廟

武廟

文昌宮

名宦

鄉賢

節烈

學校

書院

書院田地

義學田地

選舉

進士

舉人

副榜

武舉

恩貢

拔貢

歲貢

職貢

下卷

詩

文

雜記

附三省邊防摘要跋

南江縣志

上卷

二

南江縣志

凡例

一凡志書各條序事之前俱有總提一段以作綱領
茲篇僅於天文地理畧掇數言餘未提綱

一此志舊無稿本四川通志保寧府屬志於南江山
川人物未有遺漏不過山水之煩雜未及縷細耳
茲篇於通志府志參以採訪備載志中始免遺漏
一南江四路相通疊經烽火先年碑板非倒沓土人
殘毀卽風剝蝕雨間有蠹鼠歸然而文字不能認

南江縣志

上卷

三

識者此文籍之少耳

一南江山水暴惡路徑又多羊腸鳥道文人騷客車
馬難遊故詩文可傳誦者片羽吉光亦未易得

一南江無舊志卽職員譚耀宗吏員王慶祥所纂數
頁俱從通志摘採

一此志成篇繪圖則刑書馬鳴崗抄錄學書李騰蘭
繕寫文章梁 黉例得附名

南江縣志卷之上

纂修南江縣知縣

荆門胡 炳

輯教諭 丹稜彭 鼎

天文志

星野

周禮保章氏註以二十八宿分繫各州郡歷史咸宗之或謂州縣無專宿而星經統地其遠近亦莫可考據南江地毗連南鄭北極邊胡天象之變遷驗人事之得失其理信然未可以無據遂缺其志爰遵郡

南江縣志

上卷

四

志敬錄星野

郡志云南江井鬼分野鶉首之次

紫微垣內階




井宿考

鉞一星附於井足前第一星邊南北河各三星分夾東井天之關門主關梁南河曰南界北河曰北界天罇三星在井北五諸侯南主盛饘粥以給貧賤諸侯五星在東井東北近北河主刺舉戒不虞理陰陽察得失 積水一星在北河西主聚美水以給酒官 積薪一星在北河東主聚薪以給享祭供庖廚 水府四星在東井西南鉞星下主隄防以備水水位四星在井東南主水衡以洩淫溢 四瀆四星

在東井南江淮河漢之精 軍市十三星如錢狀在參東南天軍貿易之市 野雞一星在軍市中主知怪變伏奸虞 丈人二星在軍市南主國家老臣子二星在丈人東孫二星在子星東皆所以侍奉丈人 闕邱二星在南河東主天子之象魏 天狼一星在南河東南主盜賊 弧矢九星在狼東南天子之弧矢也以備盜賊 老人一星在弧矢西南曰南極老人主壽考秋分之旦見於丙春分之夜沒於丁

星軒轅



天紀



鬼宿論

與鬼四星天目也主視明察奸謀中央白氣為積戶
 有氣無形主祠祭喪葬不宜五星客彗守犯 北四
 星曰燿主烽火一作主變國火 南六星曰外厨
 燕之厨也 天狗七星在鬼西南狼之北橫於河申
 以備盜 天社六星主社隋志云共工氏之子勾龍
 能平水土故祀以為社其精為星焉

東北一小星為天紀在外厨南主知禽獸
 右井宿考鬼宿論纂郡志與眉州志所載



圖

東交江縣界

東

鐵船壩

圖

七

圖



北

南江

南

西北交
廣元署
溪縣界

北交南鄭
褒城縣界

源入廣屬旺倉
填南部縣大江

鎮子場
巴州界

西
巴州界

靈應山
場

入巴
州江

禹門場
廣元署

九龍場

演禪寺

沙溪場

長池場

惠民寨

沙河場

鎮江廟

黃金橋

八廟埡

觀人銅


關門場

太平山


中壩

石板灘

城濠圖



圖



輿地志

禹貢梁州之域春秋巴國地自漢魏以迄元明
疊更變置不一而縣名可稽山川如舊蜀北之極
保郡之藩蔽雖屬萬山叢雜而山渠之產物土之
兵燹既靖人民復聚休養生息景象漸蒸蒸日上矣
夫按輿圖覽形勝考鑿往古揚勵方來亦數典所不
廢也作地理志

沿革

南江漢宕渠縣地後漢漢昌縣地梁置難江縣周置

南江縣志

上卷

集州平桑郡魏盤道縣地周分置爲州郡治並置曲
細縣隋開皇初廢郡大業初廢州難江縣屬漢川郡
開皇末更曲細名長池屬清化郡唐初復置集州屬
山南西道武德初分置平桑縣屬集州貞觀初廢旋
復六年仍省入並省長池置大牟縣屬靜州貞觀中
屬巴州永泰初屬集州宋乾德五年省大牟縣集州
至熙寧五年廢難江屬巴州五代仍之元至元二十
年省入化成明正德十一年復置難江改名南江屬
巴州按寰宇記以江水難涉故以難江名明改南江

蓋以南易難也

國朝屬保寧府

疆域

在府北少東四百七十里東西距一百二十里南北
距三百二十里東至通江縣界九十里西至蒼溪縣
界一百四十里北至陝西漢中府寧羗州界一百八
十里西南至巴州界一百二十里又西南至蒼溪縣
界二百四十里東南至通江縣界一百二十里東北
至漢中府南鄭縣界二百一十里西北至廣元縣界

通江縣志

上卷

二

七十里

形勢

據舊志與郡志載南江形勝巴西外戶蜀北巖疆羣
山奔赴萬壑分流高削難升實稱天險

風俗

質樸勤農循理守分

山川

公山在縣南一里山形如公字故名平頂而方峻
家之論辨別星體則方正者爲土左右兩輔

最貴又凡水之流環繞公山自東北而歸西南就
之來去而論則左輔山爲天門宜開右輔山爲地戶
宜閉一流一時皆由地脉鍾靈故能結撰成奇也
天榜山在公山之後縣南十里峰巒秀拔形如挂榜
又名挂榜山明岳真詢中甲科山忽崩墜見堅瓠集
載每歲當花朝前後百花盡發千紫萬紅競艷爭奇
中有一二種秀出羣芳稱爲天香國色者人藉以卜
利名云

圓頂山在縣一百六十里山圓而高頂無霧雲則旱
雲烟縹緲則雨卽至土人遇旱輒禱之

陰靈山或名靈應山在縣南一百八十里山勢極峻
雲烟變滅奇峭難攀上有文昌宮老君觀每逢正月
十五二月初二香火頗勝

來龍山在縣東十里下有清虛洞山以深可容千
人洞戶秀削半爲藤蘿所繞人跡罕到聞昔人曾避
兵於此或卽今斷渠嘉慶年間教匪蹂躪邑人避賊
於此全活甚多

望元山在縣東六十里

玉女山在縣東南三十里

大巴山在縣北二百二十里路通漢中山徑迫狹
通車馬上多幽崖荒谷日光不到隆冬積雪至夏不
消上接小巴山屬陝西南鄭縣

小巴山在縣東北二百三十里上多雲霧覆罩積雪
盛夏不消南江水源出焉卽巴江之源也險亞大巴
山而高峻過之

兩角山在縣北五十里兩角相連崢嶸秀聳上出重
霄烟蘿布合蒼翠欲滴真奇觀也昔人題咏有孤雲
兩角去天一握之句言其高也上有石碑俗呼爲國
土云蕭何追韓信到此

鳳喙山一名鷹嘴山在縣東北二里形如鳥喙曰
曰鷹各據所見名之耳

孤雲山亦名立鵠嶺在縣東十五里奇峰突兀高人
霄漢時有雲氣擁護不散又名歸雲嶺

九龍山在縣北九十里九峰排立高可插天每當陰
雨山光雲影倏忽升降蜿蜒天矯迅若游龍盡興雲

降雨乃山川之所以效靈非僅借荒杳不經之說以
駭聽聞也

仙女山在縣北四十里上有五仙洞洞有五石嶙峋
異態迥殊凡石疑假神鞭驅至者相傳明萬曆間有
見五女列坐崖前刺繡者或天地之精華聚於此石
故能變化通靈以幻狀示人乎

小巫山在縣北一百里三山連屬綿亘十餘里凡十
二峰層巒競秀叠障爭奇或隱或見多在雲烟縹緲
間其最盛處尤在淩溪一而峭壁竒崖屹立千仞中

多古樹遠望則蒼枝倒掛勁幹橫空至其玲瓏剔透
天然入妙卽畫境亦不能擬下有石作平臺寬廣十
餘丈可供晏坐加以溪流環繞水色山光上下交映
常作遊人晏集卽流觴曲水佳趣不過如是惜地處
幽僻選勝者多不之及遂使名勝不傳

龍角山在縣西南一百二十里形如龍角

米倉山在縣北一百四十里相傳南渡時興元出兵
之路又謂漢昭烈帝伐張魯由此秦蜀之要道也

中魁山在縣北一百三十里山頂平而方四面皆下

原嘉慶三年參贊德楞泰殲賊千餘人於此因是
扶龍山

雨臺山在縣南一百四十里脉來自中魁山四面壁
峭中有小峰形類臺故名古刹已圯碑文漫滅

高觀山在縣西二百七十里與巴州地近形如連珠
自九龍蜿蜒而來二百餘里兩巒聳峙對列晴空日
極千里環山盡出指下雨霽烟連萬壑雲程卽在步
中山因高以得名上有籍聖觀下有牌樓坪古蹟

右龜山在縣西二百九十里山形聳突頂側有巨石

斜倚欲伸仍縮似龜狀故名賊亂土人紮寨於此
金子山在縣西二百八十里尖峰秀聳荆棘蒼古土
人常見有赤馬奔馳追捕無踪疑金精發洩號金子
山

玉女山在縣西三百三十里脉從北來轉東向西山
峰形勢如鳳東有雪嶺南有洞山九龍繞於其北玉
井在於其西玉井寺左有小溝大石刻玉井二字今
尙存

雪山在縣西二百六十里小頂尖峭高與圓頂山

時常有烟雲氣旋繞於嶺當霜降時雪先羣峰而停
融解亦遲上有真武古廟今佛座尚存

天馬山在縣西三百里底蒼溪界脉自廣元來高低
起伏飄然生動常有雲騰布似馬馳逐松聲鼓盪如

馬嘶風謂之天馬山

遊仙山在縣南二里

馬驥山在縣南十里

龍耳山在縣西二里峰巒峭拔上有甘泉

思遠山在縣西北三十里按寰宇記有曾溪水源出

南江縣志

上卷

七

此山東北流注與峻水合

蠟蠟山在縣北六十里峰巒聳雲

船山在縣東北二十里四山環擁若潮此山宛如巨

舟

茶坡山在縣北一百五十里

以上八山俱載郡志內舊志稿無

十二峰在縣北一百里巉巖聳秀大小十二峰

通志卽巴

山之羣峰也下有龍洞相近又有蓮花峰峰巒挺秀
有石洞曰蓮花洞高空百餘丈外臨深淵一名紅鯉

洞載郡志

截賢嶺在縣北一百餘里亦以韓信得名

諾嶺在縣東

觀音巖在縣北一百二十里源自南山分支懸崖
壁怪石崢嶸自成觀音像土人立廟祀之

白巖在縣南一百二十里山岩壁立環二里許岩石
色白中有洞形如鏡寬數圍深不測望之寒芒照人
嘉慶三年居民避賊於此免害

風巖子在縣南一百四十里濶丈餘上有洞深窈莫
測立其下如烈風迅雷稍遠輒寂故名

青龍巖巖上有青龍字又名青龍嘴在縣西二百六

南江縣志

上卷

八

十里形如龍勢與黑虎洞隔岸相望松柏蒼翠生動
四時清風徐徐故名

壁陡巖在縣西二百三十里與鎮子壩相望高數百
丈隔岸仰止截絕壁立欲從莫由居民避賊鑽穴而
入層疊幽深卒保無虞

大白巖在縣北五十里崇山鳥道高出羣峰崖上有
石門幽深丈許有清泉到盛夏水涼透骨隆冬溫可
浴身嘉慶七年按察劉清帶鄉勇圍賊至岩扼要擒
賊首李彬辛文民稱其地爲奠安山

土門堙在縣北一百五十里山自南山發源堙口怪石聳立土色膏潤石上有字形模糊不可辨
雞鳴堙在縣西北一百九十里世傳魯班雞鳴時過此遺其器化爲二石上生石龜有字跡漫滅疑卽木
鳶遺跡里人建魯班祠祀之邑令汪恩有詩云古木卧斜暉荒祠入翠微風來林鳥噪想是木鳶飛
玉鳳堙在縣西南二百九十里兩峰高低遙聳如鳳覆地中挺怪石大道上通南廣下達巴儀道側有文

南江縣志

上卷

九

昌宮古刹殘碑載正德七年立云係宋時吳堙上鄉省祭官妻馬氏及某氏妻立嘉慶三年雒姓避賊於此默祝竟免害後倡首重新廟貌

化天堙在縣南二百八十里有小方寨古蹟嘉慶四年長池生員康英才及弟雄才同縣令裘良駿於此堵禦二生死誰知焉

朱公堙在化天堙之上三十里因朱公居此樂善好施故名

洞

孽龍洞在縣西北百四十里山自南山發脉地勢
遠中有石峽長二里許面削底寬人入其中有光四
照世言孽龍居之因大雨震電遂不復見
蕭家洞在縣北九十里岩下有洞絕深邃相傳蕭氏
女諷經修道處下有蕭家觀明季建修

七眼洞在縣北二百里源出大壩關西南流九十里
入廣元界洞出洋魚狀類鱗而長細鱗味甘美

硝洞溝在縣南一百六十里路甚狹兩旁皆山山下
有洞寬廣內深二里許積水澄澈洞產魚極美人不

南江縣志

上卷

十

敢入洞外有如觀音像頂禮者絡繹不絕

潮水洞在縣東北八十里古有水洞日午洞中如雷
鳴水湧出泛濫里許若海潮然

黑虎洞在縣一百五十里米鷲山之腰下溪谷間一
雄岩高數十丈深十丈度數十丈可容千萬人幽暗
之極望而生面如虎負嶠然居民避賊於此安堵無
虞

香爐山洞出湖口水在縣北一百二十里每陰雨過
則數日不潮迺過天亢旱日潮三次地多平坦

其山稍欹民賴湖水灌溉不少

石笋

一石笋在縣北一百三十里兩面皆山中有小溪平廓處忽生兩石峰高二十餘丈森立如笋峰頂有草

木

一石笋地名石笋溝在木門要道去縣一百六十里高二十餘丈圍十餘丈

一石笋在縣東南三百里去巴州三十里地名石笋塘有場市

南江縣志

上卷

土

蓮花石在縣南一百三十里脉自南山來平地突起一石頂平底方高十餘丈小石森立遙望如蓮花焉龍門峽在縣南三十里兩峰聳峙中夾几江總滙溪流怪石林立嶙峋萬狀清泉百道俱從石面飛出冬夏不息令人有洗耳掛瓢之想

石龍峽在縣西二百一十里水自廣元三家壩來兩岸峻山夾峙中銅鼓石一對脈自龍王廟出其間有石龍首尾甲爪俱全故以是名

水

巴江上源自關壩河經二百里至縣城折而東又折而南而西波流委折其形如几故名几水几水下流名難江至羅坪沙河子兩水自北入再下至兩河口南陡河自東入千廻百折合流巴州而下其中或蕩而爲川蓄而爲瀦止而爲渚激而爲潭衆壑合流皆自關壩河而來道狹而多石舟楫不通難江之名蓋緣於此道光二年邑令胡炳自縣城東門起募石工鑿去碍石疏通險阻小舟可通巴州商賈往來資其挽載誠利濟之宏功也

明水在縣北一百里中有文石五色兼備邑人採之作小器以供近玩日久而光益發

南陡河在縣東一百三十里又名沙壩河明水之源也自樺林關發源至兩河口入南江合流

火鷲河在縣南一百九十里源出金臺寺三十里入

木門河

羅坪河源出小巫山之下至羅坪入巴江

蔡家河在縣南一百五十里中有潭曰白龍有人

魚潭中則雷雨交加至今每捕魚必祈雨焉

凡水源出關壩河經六十里環過縣城自東遶南而西波流委折其形如几故名

菖蒲澗在縣北二里崖壑幽深磴道紆折舊爲遊人讌集之所中有石洞寬廣可坐數十人疑亦鬼斧神功所修鑿而成者兩旁石刻多出遊人題咏經風雨剝蝕不盡可辨有紀唐宋年月則勝跡之流遺舊矣
黑龍潭在縣北五十里宋熙寧間利州大旱郡守酌潭水禱之卽雨後因之爲禱雨處

長池在縣南一百三十里源出南山坡下小溪流出

三十餘里平地忽滙爲大潭長里許形若池故名其水不盈不涸民資灌溉邑中膏腴之田以此爲最
觀音井在縣北一百三十里井水寒冽左右林木陰翳昔傳禱雨求水蛇虺雲集人莫敢近井中時有紅魚游泳土人立觀音祠以壓之

凉水井在縣南九十里高山下有洞泉湧不竭水性夏涼冬煖恒有雲霧其上祈雨輒有應雷電起則不日雨集矣

撲船嶺俗訛蒲川嶺在縣西二百四十里平地突起

土製下城方而中豐隆長十餘丈面側而曲背如
俯形如覆船腰有井泉居民代出強悍人材

又石笋在天池寨南里許脚四圍數百丈高數百丈
頂生三石每高百餘丈形若笋然故名

城池

舊無城明正德間知縣沈鏞始砌石城高一丈一尺
周二里三分計四百一十四丈池深一丈廣二丈東
西南三門明末圯

國朝康熙初年重修嘉慶二年燬暫遷治於城西之惠民

南江縣志

上卷

古

寨二十五年四川總督今體仁閣大學士蔣攸銛

奏請重修署令羅德嚴即舊基礎築周圍三百七十二

丈二尺高一丈三尺寬一丈六尺東西南門三

附都志載

原奏

四川總督蔣攸銛

奏為勸項修建城垣恭摺奏

伏祈

鑒事竊查嘉慶十年前成都將軍德楞泰前總督勒保會

奏教匪軍務善後事宜案內曾將通江南江太平東

鄉巴州五廳州縣應建城垣請俟民力漸紓

帑項充裕陸續興修在案嗣東鄉縣城已經捐修列入

完固項下巴城亦已捐修未報工竣太平雖未興

本有土城尚可緩辦惟通江南江二縣地瘠民

以勸捐迄今尚未修建而界連陝省山路險

韓學陶勘計具稟請修當批司飭委
該守等勘得南江縣舊城基址山水環抱頗得形勢
四至亦尚適中嘉慶二年因無城可守猝被賊匪焚
掠士民俱遷居惠民寨因寨居不便旋即移回今
已日久安居自應仍在舊治修復丈明城基共長三
百七十二丈二尺城身外面高一丈三尺裏面高一
丈二尺壕口高四尺底寬一丈六尺頂寬一丈二尺
東西南三門城樓三座城臺三座北面礮台一座其
舊基坍塌未盡處所存高一二尺至三四尺不等寬
二三尺至四五尺不等此內南江縣較通江縣
共估銀二萬八千九百兩零此內南江縣較通江縣
短少二百餘丈而估銀亦少無幾因通江取石較近
南江取石較遠例價多少不同估銀難以畫一等情
稟請奏明在於存貯捐監項下開支給領復經部議
另籌款項續奏另籌別項動撥奏明內閣奉
諭該督查明該省現有扣存一欵堪以動撥所有南江縣
城工估需銀二萬八千九百兩零著准其卽於此欵

南江縣志

上卷

五

內照數動支給領興工謹遵郡
志節錄南江縣城工請修欵由

衙署

舊志稿記縣署以山爲治明正德中重建歷久頽敗
康熙六年知縣王來鐘里修後復傾圮乾隆四十六
年縣令楊榮重補修基址仍舊而規模較前壯麗白
頭門至三堂俱煥然可觀復於署後最高之處築一
高臺下周以曲欄外遍栽桃柳城市中山林景象更
覺幽折入勝憑高一望但見山光廻合雲樹蒼茫人
人應接不暇嘉慶二年俱燬於賊二十一年

工部士民捐資新修衙署縣治與學署廳署尉署
署一時並建

關隘

琉璃關在縣東十里

楞林關在縣東北八十里兩山夾峙懸崖爲道又有
塗輪鎮梧桐關與楞林對峙

米倉關在縣北一百里舊置小巴山後徙大巴山之
麓明嘉靖八年重修置巡司今裁又大小巴山之間
有巴峪關亦嘉靖中置又大壩關在縣西北大巴關

西江縣志

上卷

六

在縣北一百五十里接南鄭界

蟒潭隘在縣北一百五十里

兩河口堡在縣南八十里

柏林堡在縣北五十里

武侯寨在縣西一百里高五十餘丈可容萬人四壁
峻拔惟一面可上其頂有泉相傳武侯嘗駐兵於此

巴峪關在縣北一百五十里接連陝西南鄭縣明嘉

靖間廉訪使楊公諱舜淵建舊設有駐防官兵及十

壩巡檢一員今已久廢其址僅存今設塘房三楹

於此信宿俗稱大巴關

三級寨在縣北九十里三山連屬崢嶸聳秀一夫堪
隘可保萬全

天池寨在縣北一百四十里山勢高峻上有天生池
積水清瑩古寨基址半存土人遇兵荒避居其上嘉
慶三年復修避難保全者數百家

惠民寨在縣西北一百二十里舊名李家寨自南山
發脉迤折而來山頂平而方四面懸崖高十餘仞周
數里只西北面可通行人嘉慶二年教匪陷縣城知

南江縣志

上卷

七

縣裘良駿遷邑於此會民修西北門及衙署倉獄賊
至協力防禦民得安堵焉

諸葛寨在縣北八十五里山勢斜立自巴山發源左
有大河之水右有廣元黑龍潭之水地勢緊要相傳
諸葛亮屯兵處也

鳳凰寨在縣北一百五十里山勢陡起頂方而平有
古寨舊跡寨里許有鳳凰庵

蓮池寨在縣南一百四十里山形如印四面峭壁
有一池自生瑞蓮一莖二花故名嘉慶二年

按知縣裴良驥飭民修築上建總糧臺以備公用
得勝寨在縣北一百四十六里去中魁山二里高墩
十丈頂平而長舊名高鼻寨嘉慶五年官兵殲賊於
此改名得勝寨

羅臺寨在縣南一百三十里長池側形圓可容數百
人上有古佛殿明萬曆時建修鐘鼓之聲聞數十里
嘉慶初賊至土人但聽鐘聲各歸洞寨無差失云

鼓樓寨在縣南一百三十里長池側形勢同羅臺上
有文昌宮鼓聲宏遠與羅臺鐘相接亦萬曆年間製

教匪滋事時諸寨守望相助炮鼓相聞賊懼不敢逼
龍耳寨在縣西南二百五十里山形尖聳賊亂監生
楊滌集團紮寨於此貯脩軍糧最險要區卒保無虞
舊志載是山西下三里許有鵝池常見鵝出水中故
名

九龍寨在縣西二百九十里明嘉靖間居民楊姓紮
寨於此寨下楊家塚有墓碑刻明勅封楊將軍三字
彥昭名

青龍寨在縣西二百八十里山勢方長高濶居民

寨守禦賊匪上賊軍

方山寨在縣南三百二十里山形雄潤方突自昔避
兵者居之上有關帝廟神像高六尺許土人稱是像
昔年賊寇軍自湖廣來時為賊逼彥昭將神像
推前賊遂遁故彥昭有力士風今神像尚傳焉

祠廟

城隍廟新移在縣治西門內

鐵佛寺祠真武鐵像明正德邑令郝倫建後毀兵火
嘉慶二十四年華陽張其明倡建廟宇

江縣志

上卷

九

公山廟在縣南二里其神為張真人七世孫嘗宦集
州有惠政明萬曆三十九年建

國朝康熙二十九年重修

寺觀

晏山寺在縣南一百二十里寺有泉灌溉民田

羅臺寺在縣西南一百二十里

演禪寺在縣西北一百二十五里

迴龍寺在縣北八十里

地有

漆坪寺在縣東六十里廢

靈水寺在縣北一百里

高觀寺在縣西二百七十里高觀山

雪山寺在縣西雪山峰下

大佛寺在縣南八十里

上院寺在縣南九十里

下院寺在縣東五十里

青寶觀在縣西一百里

天生橋廟道光元年劉和尚新建

南江縣志

上卷

三

古蹟

大牟廢縣在縣西南本漢葭萌縣地唐武德元年割
清化界置因縣東有大牟山爲名屬靜州貞觀十七
年屬巴州永泰元年改屬集州寰宇記宋乾德五年
併入難江

平桑廢縣在縣西南唐武德元年屬集州貞觀元年
廢二年復置六年省入難江

長池廢縣在縣南後周之曲細縣也隋開皇末改曰
長池屬清化郡唐武德初改屬集州貞觀六年省

為壩市

古集州城在縣東凡水外一里唐設州治於此今之
文廟地是也

舊縣壩在縣城東二里許與古集州城隔江相對今
先農社稷二壇卽其地也

木門道在縣北一百八十里地勢狹隘兩岸奇峰壁
立世傳卽三國時張郃戰死處

沙壩渡碑在難江舊縣唐集州刺史蘇味道題字今
無迹

唐難江公山威靈廟記唐天寶改元年田彥識撰廟
在難江縣神乃漢張魯之神也廟址僅存而碑碣盡
歸磨滅

探梅石名勝志在縣東北五里亂石中有石刻云安
人少華陳址介卿浚儀潘士政執禮厭次來高元勳
攜樽探梅靖康丙午前四月歲望

德星巖三字在縣西南一百八十里王貢山左側下
有洞寬廣可避兵

集州兩角山記唐集州刺史楊師謙書今泯沒無

集州紫極宮記唐開元二年兵部尚書牛仙客書
石鼓峽記趙寅爲集州刺史有石鼓峽記
名墓

楊侍郎墓名勝志載在縣北洋灘河左墓碑字多剝
蝕碑座是蔡玉見存不知何代人

岳貞墓在洋灘河近山

橋梁

東門橋在縣城東門外

五馬橋在縣城西門外

南江縣志

上卷

三

黃金橋在縣南十里

淘金橋在縣南一百二十里

凌雲橋在縣西南一百三十里

復興橋在縣西南一百四十里

東門渡道光元年監生傅正順捐資設義渡以濟行
人

凡水渡在縣城南門外

羅溪渡在縣西六十里

臨江渡在縣南一百四十里

驛遞

舊設二十一舖今歸七舖遞送往來文檄皆在縣城西南通府之道東北二處俱係山徑險阻不通大道並無郵遞

底塘舖在縣城內

東榆舖在縣南三十里

石灰舖在縣南六十里

沙河舖在縣南九十里

淘金舖在縣南一百二十里

南江縣志

上卷

三

柏楊舖在縣南一百五十里

元潭舖在縣南一百八十里

額設司兵十四名每名工食銀六兩共歲支銀八十四兩

物產

崇清鄉山河地土居民蓄茶園每採摘於穀雨前後為頭茶五六月則為二茶七八月則為晚茶樹下並可種包穀其利頗饒春分即有陝西客民來此置買落經紀人家以便交易頭茶稍貴次三則次者矣

木石乃產南江居民有山場者蓄青崗樹
卽留樹頭所發正身去其旁支經五六年後樹頗
截大若茶盃等乃砍爲節頭年卧山次年立架一經
春雨則茁生木耳居民採摘數包數十包不等以山
之廣廓而取材焉則商民運至漢中遠省行之

核桃柿栗等菓亦饒山場梨稍青脆專家以接樹爲
重故梨味頗佳

桐樹遍土多植故油價較賤

綿花則鄉民無種者亦地土陡峻之故耳商賈自漢

中買廣花以資民用布則廣安渠營州縣人雲集於
市貿易交通兩相利焉

桑樹處處可植惟山高氣寒之處不宜於蠶故蠶桑
之利視他處稍遜近自城而南每至三四月之間皆
成蠶市矣

竹則慈竹亦有斑竹山谷中間植較之他處少焉
蘭草茁於山谷春末花時民人並花葉連枝掇於市
賣間有素心佳品清香幽細鄉民無知殊爲可惜
至走獸猿猴章鹿多出老林而狐狸等物亦有

穴獵者間攜於市近則少矣因山多開墾物類
藏身

飛禽則野雉爲多而百舌鵲鴝小鳥少見山林間
山林開闢佳禽珍鳥不能留耳

纂修南江縣知縣

荆門胡



採輯教諭 丹稜彭 映

田賦

南江田地自康熙六年奉文清查起至道光七年止
上田無

中田八頃四十三畝九分二釐七毫應征丁條糧銀
四十五兩七錢三分一釐八毫

下田一百四十五頃三十七畝一分七釐九毫應征

丁條糧銀六百六十八兩零一分八釐

下地二百二十八頃六十五畝六分九釐二毫應征

丁條糧銀九百五十四兩九錢一分一釐二毫

中下田地共三百八十二頃四十六畝七分九釐七

毫共應在地丁正銀一千六百六十八兩六錢六分

一釐

三鄉戶口民數

崇清鄉民數五千六百一十九戶共男婦二萬七千
七百八十七丁口

吳亞鄉民數四千五百九十六戶共男婦二萬
零五十五丁口

長池鄉民數三千六百九十八戶共男婦一萬七千
八百七十三丁口

以上三鄉共一萬三千九百一十三戶男婦六萬
七千七百一十五丁口

倉穀

額貯常平倉穀三千九百二十五石七斗一升四合
三勺

南江縣志

中卷

二

額貯監倉穀一百五十四石二斗八升五合七勺共
常監倉穀四千零八石

鹽法

雍正八年爲欽奉

上諭事案內因計口食鹽行銷南部縣鹽陸引一百三十
八張額徵稅銀三十七兩五錢九分一釐二毫乾隆
四年爲鹽井見鹹等事案內增銷南部縣鹽陸引二
十七張額徵稅銀七兩二錢五分四釐八毫

郡志載南江縣

行鹽陸引一百六十五張共徵稅銀四十四兩九錢四分六釐於南部縣買鹽至本縣行銷

茶法

南江舊志載崇清鄉產茶於雍正八年爲欽奉

上諭事案內按引催課行銷腹引五十張征銀六兩二錢五分八釐二毫稅銀二兩五錢

郡志載南江縣

行茶腹引五十張共徵稅銀一十二兩五錢課銀六兩二錢五分於本縣買配正附茶筋運至閬中南部

等縣發賣

官職

隋

顏之儀 臨沂人開皇五年集州刺史

元雅 洛陽人開皇時集州刺史

唐

蘇味道 樂城人證聖初由鳳閣侍郎左遷集州刺史

田誠實 天寶元年任 蕭鎰 蘭陵人琰子

李成裕 開元中任 王康壽 太原人

韋孝審 京兆人 趙寅

王徽 字昭文京兆人僖宗時由少師左遷 楊知亮 宏農人

南江縣志

中卷

四

楊師謀 唐思貞

牛仙客 安定人 晉暉 許州人僖宗時任

王治 咸陽人 李思文 蜀王後大率令

李緒 蜀王後難江主簿 敬袞 同州馮翊人集州刺史系五代

周

高懷德 真定人周末領集州刺史

宋

楊方平 集州刺史 張軻年 集州刺史

明知縣

沈鏞 湖廣永州人監生正德十年任

鄒倫 貴州都勻監生正德十四年任

盧洲 貴州前衛舉人嘉靖二年任

趙廷佐 廣西舉人嘉靖年間任

田豐 湖廣麻陽監生嘉靖二十五年任

高彤 陝西鄜州人

黃校 雲南坡貢嘉靖二十五年任

戴元吉 陝西監生嘉靖二十七年任

朱完 江南吳縣監生

吳鏜 陝西咸寧縣監生

袁廷椿 湖廣黃岡人

閔虞鳳 陝西藍田縣舉人

曹天俸 江西浮梁舉人隆慶元年任

黃榜 江西廣昌舉人隆慶三年任

任朝正 陝西洋縣人神宗三年任

脫穎 陝西鎮源舉人神宗八年任

王响 陝西延安舉人神宗十年任

高薦 陝西涇州舉人神宗十四年任

南江縣志

中卷

五

王顯節 江南泰州舉人神宗十八年任

白受采 陝西甘肅州選貢

杜光先 陝西岐山人

岳其仰 陝西延安舉人

楊繼統 陝西南鄭舉人

楊榮先 湖廣靖州選貢崇禎十三年任

國朝知縣

馬光義 陝西貢生順治十三年任

張聖相 山西大同守備委任

張元吉 陝西貢生

王經芳 直隸大名府監生

周元勳 湖廣荊州府監生

蔣炳 漢軍鑲白旗監生

曹志周 浙江進士

李芳雲 漢軍鑲黃旗監生

傅其幹 山東舉人

蒙鏜 陝西進士

于其蛟 歲貢

高世祿 縣舉人

江連輝 福建汀州舉人

郭正明 直隸大興人歲貢

高拱宸 河南襄城舉人

董萬戶 河南洛陽縣監生

吳率祖 雍正進士湖北武昌人

李璉 漢軍鑲紅旗監生

王森 康熙進士直隸大名府人

陳大詔 湖北松滋縣舉人

聞肇煌 浙江錢塘縣舉人

姚日新 浙江仁和县舉人

李發源 汀州人進士乾隆任

包旭章 浙江寧波府進士乾隆年間任

張任佐 漢陽人監生

胡鳳羽 湖南安鄉人拔貢

查淳 直隸宛平人例貢

黃志勳 廣東新會縣舉人

用江縣志

中卷

六

鄭球 衡州來陽舉人

張心鑑 江蘇陽湖縣舉人

萬士斌 貴州貴筑縣舉人

凌夢曾 浙江歸安縣進士

費揚武 漢軍正黃旗中書

趙護吉 江西新昌縣生員

倪元度 直隸天津縣舉人

葉道傳 江南無為州監生

吳光奎 江南監生

李元 湖北京山縣舉人

李培岷 雲南舉人

楊榮 廣東番禺縣舉人明通榜進士

魏守曾 江西廣昌縣進士

徐廷玉 奉天錦縣舉人

姚玉麟 廣東增城縣進士

李並楷 福建舉人

李傳杰 江西南昌縣舉人

裘良駿 江西奉新縣人議敘

李心澄 江蘇華亭縣監生

汪恩 江蘇江寧進士

王文炳 陝西郿陽縣舉人

龔鏜

韓學陶 大興舉人

鄒鳴崗 直隸天津縣拔貢

羅德嚴 湖南櫛湖縣監生

胡炳 湖北荊門州進士

錢秉德 江蘇江陰縣舉人

國朝教諭

鄭咸 廣安人

卞橋 南充人

冉裕懋 酉陽州人

陳藻 巴縣人

費冕 新繁人

龔為楷 江津人

南江縣志

中卷

七

黃瑞 華陽人

李嶺梅 長壽舉人

羅森 綿竹舉人

曾茂 奉節拔貢

鄧士品 夾江拔貢

彭昭麟 成都府拔貢丹稜籍

車書 長壽舉人

黃廷和 梁山廩生

楊道華 長壽副榜

張岷 西充舉人

彭興 丹稜拔貢

訓導

倪渝彥 巴縣人

范謙 郫縣人

楊鑑 瀘州人

鍾玉奇 新津人

竺聰 江浦人

劉修極 安縣人

江源溥 富順人

游鳳和 合州人

李志邨 夾江人

謝尚功 長寧人

魏作甫 高縣人

舒南英 漢州人

余耀川 雙流人

徐玉堂 涪州人

陳于楷 蘆山人

徐東薦 仁壽人

楊居義 蓬溪人

熊文 綿州人

周宗沅 涪州人

李賜 蘆山人

余文泰 什邡人

張國鈞 郫化人

南江縣志

中卷

八

彭熙載 瀘州人

蔡錦生 彰明人

高耿芳 墊江人

李藝 九姓司人

張廷燾 酉陽州人

衛道凝 郫縣人 解元

許紹謙 華陽人

李燦珍 西充人

明朝主簿正德十二年改典史缺

亢會 涇陽人 正德十二年

蔣伯清 湖廣巴陵人

李秀 正德十三年 吏員雲南人

劉鏗 正德十四年 陝西人

賀榮 正德十六年 吏員咸寧人

熊儀 正德十五年 吏員南昌人

惠廷爵 陝西富平人

施廷松 雲南太和人

孫文 陝西人

雷震 陝西人

王章 湖廣人

齊伯奇 湖廣人

王仲錫 陝西人

孫文軒 湖廣人

安汝威 陝西人

李貢 陝西人

胡子淪 江西人 神宗十三年任

劉應聘 河南陝州人 神宗十六年任

蔡大順 浙江山陰人 神宗三十一年任

嚴孔仁 福建人

閔志孔 湖廣黃岡人

趙時通 雲南人

雷大經 湖廣衡陽人

李景祿 湖廣沅州人

國朝典史

甯江縣志

中卷

蒲天祿

焦元英

陳如勉

趙玉振

張珍

張允克

王子錫

牛光漢

李國柄

鄭樞

丁元 浙江永康人

夏錫臣 浙江山陰人

張維漢 韓城人 乾隆四十年任

陸熙 浙江寧波人

劉在容 江南常州人

鄒繹莪 河南汝寧人

洪定俊 江西西南昌人

猶啓祥 貴州甯安人

李麟 安徽鳳陽人

張兆棠 江南江寧人嘉慶二十三年任

王從治 安徽望江人議敘道光五年任

國朝駐防把總

楊玉 陝西人

楊進寶 陝西人

王長林 湖廣人

賈世臣 陝西人

韓大用 陝西人

孫道孔 閩中人

陳榮 閩中人

李有光 閩中人

陳大倫 閩中人

王思普 閩中人

袁天錫 閩中人

金榮 閩中人

南江縣志

中卷

十

張奇品 閩中人

張在朝 巴州人

杜文 閩中人

李瑞祥 閩中人

秦廷玉 閩中人

劉允貴 閩中人

梁國彪 閩中人

黃鳳 閩中人

陳紀 巴州人嘉慶十四年任

田嘉祺 閩中人禦教匪多勞績軍功陞

楊春富 成都人道光二年任

張連 閩中人

楊萬菁 巴州人蔭襲道光六年任

尹世祥 雙流人

黃鳳啓 宜賓人道光四年任陞千總

禮文

文廟祭祀會典備詳每歲仲春仲秋上丁日致祭禮
房先一日呈儀注頗不乖於省會郡城祭儀及樂章
均同故不必再為纂記

文廟崇聖祠祀

肇聖王 裕聖王 詒聖王 昌聖王 啓聖王

東配

先賢顏氏 名無繇

先賢孔氏 名鯉

南江縣志

中卷

七

西配

先賢曾氏 名點

先賢孟氏 名激 公宜

東廡

先儒周氏 名輔 成

先儒張氏 名迪

先儒蔡氏 名元 定

西廡

先儒程氏 名珂

先儒朱氏

大成殿

至聖先師孔子神位

四配

復聖顏子名回

述聖子思子名伋

宗聖曾子名參

亞聖孟子名軻

十哲

南江縣志

中卷

三

閔子名損

冉子名雍

端木子名賜

仲子名由

卜子名商

有子名若

冉子名耕

宰子名予

冉子名求

言子名偃

顓孫子名師

朱子名熹

東廡先賢

蘧瑗伯玉

澹臺滅明子羽

原憲子思

南宮适子容

商瞿子木

南江縣志

中卷

三

漆雕開子若

司馬耕伯牛

梁鱣子魚

冉孺子魯

伯虔楷

冉季子產

漆雕徒父子有

漆雕哆子斂

公西赤子華

任不齊子選

公良孺儒

公肩定子仲

鄒單子家

罕父黑子索

榮旂子旗

左人郢行

鄭國子徒

原亢子亢

南江縣志

中卷

廉潔庸

叔仲會子期

公西輿子上

邾異子飲

陳亢子亢

琴張牢

步叔乘子車

秦非子之

顏噲子聲

顏何刊

縣夏

樂正克

萬章

周敦頤茂叔

程顥伯淳

邵雍堯夫

先儒

公羊高

南江縣志

中卷

伏勝子賤

董仲舒

后蒼近君

杜子春

諸葛亮

王通仲淹

陸贄宣公

范仲淹希文

歐陽修永叔

楊時中立

羅從彥仲素

李侗愿中

呂祖謙伯恭

蔡沈仲默

陳淳安卿

魏了翁華甫

王柏魯齋

趙復儒德

南江縣志

中卷

許謙白雲

吳澄幼清

胡居仁叔心

王守仁伯安

羅欽順允昇

黃道周

湯斌

西廡先賢

林放

宓不齊子賤

公冶長子長

公析哀季沈

高柴子羔

樊須子遲

商澤子秀

巫馬施子期

顏辛子柳

曹邴子循

南江縣志

中卷

公孫龍子石

秦商子丕

顏高驥

穰駟赤子徒

石作蜀子明

公夏首子祭

后處子里

奚容蒧子偕

顏祖襄

句井疆子疆

秦祖子南

縣成子祺

公祖句茲子之

燕伋思

樂欬子聲

狄黑皙之

孔忠子茂

公西蒧子尚

南江縣志

中卷

顏之僕子叔

施之常子常

申棖子周

左邱明

秦冉開

牧皮

公都子

公孫丑

張載子厚

程頤 王叔

先儒

穀梁赤

高堂生 伯

孔安國 子國

毛萇

鄭元 康成

范甯 武子

韓愈 退之

南江縣志

中卷

九

胡瑗 翼之

司馬光 君實

尹焞 修明

胡安國 康侯

張栻 敬夫

陸九淵 子靜

黃幹 直卿

真德秀 希元

何基

陳 浩 可大

金履祥 吉夫

許 衡 平仲

薛 瑄 德温

陳獻章 公甫

蔡 清 介夫

劉宗周

陸隴其 稼書

武廟

甯江縣志

中卷

字

大殿三楹兩厦兩廂大門三楹外馬殿縣令胡炳新

建春秋二祭祀

關聖三代公爵 曾祖光昭公 祖裕昌公

父成忠公 儀與文廟唐聖祠同

大殿祀

忠義神勇顯佑關聖大帝 儀與文廟祀典畧同

左翼祀張桓侯 右翼祀諸葛武侯

文昌宮未建祀

文昌帝君前啓

名宦

隋

顏之儀字子昇瑯琊臨沂人周宣帝時為御正帝崩
鄭繹等矯詔以隋文帝撫少主之儀拒不從逼使署
名之儀厲聲不屈文帝索符璽之儀又正色曰天子
物相何得索文帝怒將戮之以其為民望乃止出為
郡守開皇五年拜集州刺史在州清靜夷夏悅之明
年遂不仕

唐

南江縣志

中卷

三

張康侯逸其名康侯其謚也張道陵七世孫官集州
有惠政後白日飛昇仙去民思其德建祠公山祀之

牛仙客

楊師謀

蘇味道

趙寅

田彥識

以上五人無傳

明

鄒倫貴州都勻人正德時知南江縣開縣治建公
廩繕城廟闢田土惠績甚著

國朝

王經芳字鐸音直隸大名府清豐人由監生

十九年庚申銓南江知縣閏八月任事時蜀疆新在
人烟寥落經芳攀峰揭水躬尋編戶給牛種講約條
完學舍整濟渡化儗復集凡正供羨餘新茶陋規日
給墨單理訟紅儀諸名色悉爲痛除在任五年士民
安之著有宦遊草

劉清

人國史

劉

清

人國史

裘良峻任南江知縣值賊匪猖獗日夜堵禦軍務勞
午遷城於李家寨以保生靈勞績甚多賊平升山東
知府至今邑民猶思慕不忘

南江縣志

中卷

三

余文泰什邡人歲貢任南江訓導長於易年八十手
不釋卷嘉慶二年賊匪臨城合縣逃避文泰不去長
子某勸令遠避泰曰吾老矣死職是吾之責何避焉
賊至遂遇害子隨死焉父子同時殉節賊退邑義民
收其屍父子同葬其地裘合申請旌表 蔭次子雲
騎尉入忠節祠

彭昭麟雙流拔貢南江教諭訓課門生多方勤勞嘉
慶二年以奮勇禦賊保舉 引見授廣東陽春縣知
縣復以平洋匪功升同知以知府銜署嘉應州知府

卒皆有惠政祀於名宦

鄉賢

明

袁璋南江人素以勇俠聞天啓年間鄱藍賊亂川北
巡撫林俊委勦賊所在有功後為所執其子襲挺身
救之連殺七賊亦被執俱死三日兩目猶瞠視其父
林俊表其門曰父子忠節總制彭澤為勒石城隍廟
祀於忠孝祠

蒲妙高南江人鄱藍賊起妙高負八旬老母偕妻子

南江縣志

中卷

三

奔逃母疾篤諭令置墟墓間聽自死子婦宜速去妙
高痛哭曰兒何之母子死一處耳棄妻負母賊至伏
地請代死賊感而全之周以衣推

楊彥昭自楚來蜀有力士風傳堆神像以堵賊賊避
之

國朝

袁澈字松岫順治辛卯舉人官福建晉江縣知縣無
字安民才猷素著歷署大縣皆有惠政致仕歸
居雜錄傳世

不齋順治甲午舉人官戶部員外康熙丙午
分經得張玉裁等多知名士已酉秋典試京闈明年
捷南宮者八十餘人咸謂得人之盛未有如是科者
後出守天台邵武以廉愛才能著稱解組歸著有几
江詩集子度字文江官翰林檢討壬午典試山西工
詩制藝亦有名

何仕名明季處士避獻賊攜家漢中後歸里力農課
讀忠厚勤儉年八十八卒至今子孫繁衍

何現圖貢生不就銓選述志遺詩契止足之旨子秉
直貢生亦謙厚任重慶府江津訓導

蕭廷桂字林一乾隆壬子舉人嘉慶四年上平匪策
李觀察器之卒領鄉勇堵賊陣亡著有詩集

何紹宗附貢生慷慨樂施置書田以培寒士族中並
沐其澤年九十餘卒鄉人德之

何希顏紹宗四子性孝友母病奉侍湯藥頃刻不離
病危割股以進母以終不起顏哀痛成疾聞者悲之

岳士居無節畧春秋祭祀書列其名

岳貴選充鄉勇臨陣勤邪匪屢獲勝仗殺賊奮勇拾軍

戴藍翎嘉慶八年擊賊於達縣陣歿
蔭如例

王瓊乾隆辛卯科武舉以材勇稱嘉慶三年率團勇
堵禦邪匪賊蜂擁而至瓊恐衆寡不敵舉礮擊之礮
裂而斃士民惜之

康英才庠生嘉慶三年從知縣裘良駿率團勇追賊
於鼇水口奮勇擊賊被戕弟雄才同時被害

張鵬漢庠生嘉慶三年邪匪犯境與其妻子俱被執
不屈死

南江縣志

中卷

三

何青茂監生嘉慶四年邪匪入境青茂集團爲寨首
賊屯龍山場青茂率衆往攻力屈遇害

李國榮嘉慶六年邪匪犯境禦賊羅闕岩被執不屈
死同時死者李國林何祥周李大祥李含芳李元海

李長郢經邑令詳報豎碑題名

胡其之庠生嘉慶五年邪匪入境其芝被執罵賊不
屈與二子同遇害

熊芝桂庠生嘉慶五年邪匪入境被執不屈死
熊兆祥之子也通志誤熊爲孫也

李輝陽南江生員號德星雄偉英傑才也
二年帶領團勇三百人於元潭擒獲張漢朝之夥
搜出襄陽鎮關防解赴大營奏聞奉旨以知縣用
撤兵引見補陝西石泉令後以賢能調興安令益
著才猷政聲四布旋病歿於官大憲惜之
何鉅歲貢生父母年俱八十餘賊至其家鉅堅持父
母不離左右且以大義曉賊賊竟去後以疾終
張明鑑農家子性稚魯事親孝好施送孝經及陰騭
文隨時補修梁道時稱善人嘉慶二年賊至其鄉明

鑑負母逃賊及之同行者俱死明鑑母子獨全既而
母病疫割股進之卽愈再病再割股有三創母目疾
已瞽鑑每旦以舌舐之半月而愈母年八十有五病
亟明鑑猶剖胸割肝二片母終不起鄉邑哀之

岳文蔚邑監生嘉慶二三年賊匪入境文蔚具軍裝
領鄉勇有堵禦功勲大憲賞給千總職銜在營征勦
効力賊平奉文引見部議改就文職著選吏目回
籍候選迄嘉慶二十年選到未及赴任病終文存縣

中邑人憫其數奇

國棟歲貢生素懷忠義報國為心
與縣主裘良駿籌畫堵禦策自備貨糧集鄉勇三百餘人截賊於毛水口衆寡不敵傷姪何聯科與門生康英才等復至巴州平梁城志圖殄賊賊匪未遂以迄昇平授徒開館濟濟多士子與徒進學者三十餘人生平志大年餘六旬選石泉縣訓導未任而卒門人有泰山齊木之嘆焉

何柄父進洛母白氏早卒繼母艾氏柄夫婦奉事勤謹值賊匪掠村母老難行柄同妻李氏負避榛莽間

寢食備至後歸母以壽終安葬獨任不累諸姪子正綱早入膠庠人咸以為孝事繼母之感焉

劉善人名世居沙壩山中沙灘子木自巴山流出河平而濶夏秋泛漲行人病涉善人捐三百餘金置義渡以濟行人倡修文昌宮施田產以為延師費生平善施類此年七十餘卒里人稱之不替云

何文龍邑武生性純孝父世仲癘疾日侍湯藥衣不解帶疾篤文龍割股以進卒不起哀毀骨立教諭彭

邑中興萬率鄉勇堵禦並請領軍餉糧米接應過兵
皆路仗之累給劄付頂戴千總職銜迄七八年間猶
尚軍務昇平不願出仕退歸里門鄉人之有識見者
也猶強健異常可欽

嘉慶二三四五年禦賊陣亡者五十九人姓名未記

春秋祭祀列入牌位

岳廷氏年十八歲適岳大應生子文蔚五齡大應病

泗水縣志 中卷

歿氏時年二十三歲矢志堅操教子女蔚成立援例

國學蔚能體志另有敘傳氏八十餘卒合邑母儀

張揚氏拔貢張伯玉之妻年二十四守節孝養翁姑

義方教子壽八十餘卒邑人咸稱女宗不在云

岳王氏岳登桂之妻岳浴之母 廖曹氏廖順樟之

妻廖成武之母 李岳氏李玉成之妻李鼎元之母

岳鄭氏岳步雲之母 俱旌表節孝建坊

袁何氏幼適袁成 費生二子俱幼數載成費歿是時

氏年二十五歲矢志守節翁姑年老家貧紡績耕種

不易初心厥後翁姑下世衣衾棺槨能盡禮儀長子
文錦爲邑廩生學優品端敦行不怠皆氏之勗成也
至今七十餘歲咸以爲一邑母儀

何牟氏廩生何登序之母肅肅河彬之繼室彬故序
方五齡氏不憚勤劬艱辛撫育教以義方弱冠食廩
餼醇謹厚重氏之教也氏今年七十八歲精神健旺
猶持家政稱貞壽焉

何杜氏監生何廷成之母少適何國才年二十六歲

國才歿矢志冰霜能盡節孝歷今五十餘年八十四
齡猶持家政孫曾一堂雍雍肅肅鄉人敬仰之

梁黃氏幼適梁占洙生一子名維佐方幼占洙病歿
氏卽冰操自守養親撫孤克勤克儉並督率家人耕
種教子義方維佐業儒未成孫一人名進氏常日不
得於子必得於孫以祖母而重嚴訓不事姑息使進
負笈遠就名師進亦勉志遂入府庠食廩焉

李宜人李輝陽之母相夫教子當賊匪蹂躪各村
命子堵禦賊寇以迄昇平輝陽知石泉令進

卒年九十餘歲遠近送葬誠數千人焉
嘉慶元年教匪滋事川之東北被賊蹂躪南江與
中接壤爲教匪出沒之區被害尤酷士女被戕者較
他邑爲多鄉村婦女俱知大義不受污辱殊堪嘉尚
事平
憲府列冊上請奉
旨旌表洵足厚風俗而慰貞魂因人數衆多親屬間有
無攷者未能逐一建坊爰將姓氏編爲一額刊其殉
節年月以誌不朽云

南江縣志

中卷

三

田賀氏 南江汛把總田嘉禎之妻二年十二月遇
賊殉節

李雷氏 李調元之妻二年十二月遇賊殉節

何康氏 二年十二月遇賊殉節親屬無攷

李陳氏 李如青之妻二年十二月遇賊殉節

李張氏 二年十二月遇賊殉節親屬無攷

王尹氏 王子飛之妻二年十二月遇賊殉節

劉么姑 二年十二月遇賊殉節親屬無攷

何朱氏 何思聖之妻三年四月遇賊殉節

張章氏 張思聰之妻三年四月遇賊殉節

何楊氏 何貴文之母三年四月遇賊殉節

孫杜氏 三年四月遇賊殉節親屬無攷

林岳氏 林中洪之妻三年四月遇賊殉節

龍尹氏 三年四月遇賊殉節親屬無攷

萬楊氏 萬明選之妻四年二月遇賊殉節

楊張氏 楊子文之妻四年二月遇賊殉節

羅雷氏 羅義仲之妻四年二月遇賊殉節

南江縣志

中卷

三

李熊氏 李思全之妻四年二月遇賊殉節

顏陳氏 顏子明之妻四年十一月遇賊殉節

萬楊氏 四年二月遇賊殉節親屬無攷

顏張氏 顏子祥之妻四年十一月遇節殉節

蕭羅氏 蕭發榮之母五年七月遇賊殉節

藍王氏 五年六月遇賊殉節親屬無攷

沈吳氏 五年七月遇賊殉節親屬無攷

何侯氏 何錦之妻五年七月遇賊殉節

游黃氏 五年七月遇賊殉節親屬無攷

向氏 向元之妻六年四月遇賊殉節

羅氏 羅正榮之妻六年四月遇賊殉節

郭李氏 郭子榮之妻六年八月遇賊殉節

郭范氏 郭美玉之妻六年八月遇賊殉節

姚屈氏 六年十二月遇賊殉節親屬無攷

錢蔣氏 錢光明之妻六年八月遇賊殉節

權蹇氏 權中富之妻六年十月遇賊殉節

權趙氏 權子龍之妻六年十月遇賊殉節

何蒲氏 何爾泰之妻六年十月遇賊殉節

南江縣志

中卷

三

李楊氏 李明遠之妻七年正月遇賊殉節

楊唐氏 楊順安之妻七年正月遇賊殉節

翟楊氏 翟有榮之妻七年正月遇賊殉節

青吳氏 青賜之母六年十月遇賊殉節

青袁氏 青茂之母六年十月遇賊殉節

蒲袁氏 蒲元之母六年十月遇賊殉節

嘉慶十四年四月知南江縣事汪恩建立

補文生鄭義芳禦賊被執勸降罵不屈身被害

裘詳報 旌表有案存縣

公山書院在南門內講堂三楹兩廂書屋四間朝門
書屋二間屏牆一座

本學廩生原額二十名每名歲領餼糧銀三兩二
錢共銀六十四兩遇閏每名加增銀二錢六分六
釐歲試人文童學八名武童學八名科試人文
童學八名

書院田地租錢額數

戰灘壩田地租錢三十千文

南江縣志

中卷

三

白山寺田地租錢八千文

粉壁壩田地租錢四十四千文

井壩田地租錢十千文

郭堡子田地租錢五千文

後壩溝田地租錢六十千文

王現岩田地租錢二千文

寬埡子田地租錢一千文

蔡家壩田地租銀六兩

水壁石田地租銀四兩

柏林屋基租銀二兩

文映溝田地和租銀二兩

道光五年奉 制軍戴檄設立議學勸捐士民

縣令胡炳首倡捐銀一千暨士民共捐銀四千有餘

貝桂花樹田一分價銀六百八十兩

潘家壩田地一分價銀五百二十兩

活水溝田地一分價銀三百七十兩

姜家山田地一分價銀八百兩

吳家塆田地一分價銀二百八十兩

南江縣志

中卷

三

詹家坡田地一分價銀三百二十兩

紅花塚田地一分價銀二百四十兩

井壩田地一分價銀三百一十兩

當九服泉田地一分價銀二百六十兩

又於本城河街修店房四間學堂五間價銀二百

五十二兩

有案備載每年收租錢給發三鄉義學

進士

明

李實 南江人保寧府巴州軍籍

岳虞詢 萬曆二十年壬辰科在河南上蔡縣知縣

國朝

岳度 康熙三十三年甲辰科任翰林院編修

岳維 康熙四十五年丙戌科任荔波縣知縣

舉人

南江縣志

中卷

明

李實 成化元年乙酉科

岳生亮 萬曆十年壬午科

岳虞詢 萬曆七年己卯科

國朝

袁澈 順治辛卯科

李鴻儒 順治八年辛卯科

袁公衍 順治十一年甲午科

岳音諧 順治十四年丁酉科

岳貞 順治甲午科

袁澣 順治八年辛卯科

岳允昌 順治十一年甲午科

熊之麟 順治十四年丁酉科

岳爾翼 康熙二十年辛酉 袁士雲 康熙二十六年

岳綸 康熙二十九年庚辰科 岳 康熙三十五年丙子科

岳度 康熙二十六年丁卯科 岳 康熙三十五年丙子科

岳順 善志稿雍正癸卯科舉 人府志缺任太平知縣

徐獻 康熙二十八年己卯 科府志作南都縣人

岳容 雍正十年壬子科 謝 丙乾隆三年戊午科

蕭廷桂 乾隆五十七年壬子科

姜佐周 乾隆癸卯科任 李毓秀 道光乙酉科

南江縣志 中卷 美

國朝武舉

楊用中 乾隆乙酉科 王 瓊 乾隆辛卯科

鄭映芳 嘉慶戊辰科

恩貢

杜仲 惠元良

楊宗元 柳含英

陳建中 陳中孚

張鳳翽

拔貢

袁旦

楊

張伯玉

岳士本

陳子英

蕭廷桂 乾隆丁酉科

張開敏 嘉慶辛酉科

楊廷賢 嘉慶辛酉科

馮登衢 道光乙酉科

歲貢

岳和 任訓導

何現圖 雅州訓導未就

何秉直 江津訓導

趙儒賢

何爾泰

陳士銓

南江縣志

中卷

三

何爾明

何紹宗

何國棟 銓石泉訓導

何國樑

巨良采

周遵岐

殷調元

姜登闕

楊士璠

陳尚玖 府學

何慎修 嘉慶壬申貢府學

何思喆

岳鍾山

董錫昌

趙鼎重

楊士珩

岳騰漢

何遵濂 道光丙戌

餞半空笙鶴賦言旋臨岐拜賜金絲柳過華分披玉
井蓮我亦思歸歸未得黯然延佇夕陽烟

國朝



歸蜀至

岳貞

愁難出

雲中動鳴泉天上流

谷通

裁詩過嶺頭

行盡山

經鳥道怪石壓雲松

攀附無時已

窮徘徊望谷口烟雨數家中

解組言懷

出守江西歲未除那知清白是迂疎官休父老留車
馬道遠親朋阻雁魚琴鶴輕閒兒女長憂魂安穩案

囊虛只今贏得身還健皓月光風到傲廬

江亭

袁澈

木蓮開遍一溪花小逕登樓萬竹斜江上青山浮落
日座中綠鬢映流霞乾坤到處貧爲客蹤跡年來醉
是家忽忽天風吹暮色蘋香不斷白鷗沙

省墓

岳貞

歸來展墓几江濱惟見山川是故人幾個遺民棲洞
嶺數家茅屋入烟薪春秋有限蒸嘗缺天地皆兵禍
亂頻子姪紛紛何所似南投西晉北依秦

南江縣志

下卷

三

登太白樓

太白修文不計年巍巍樓閣映江邊百篇賦共乾坤
老千載名同星斗懸流水難從問往事羣公獨喜拜
前賢高山仰止情何限晚笛臨風直欲仙

送門人肅廷桂還南江

閩中舉人黎源豫

望子還家早高堂有老親白雲瞻故宅春酒慶歸人
顧此芸齋寂誰爲助我頻子懷惆悵淺行矣莫逡巡

南江山行

王泰年

深山何寂寂四面盡嵯峨孤鳥衝烟去殘雲隔嶺過

年荒游客少寺古老僧多迴望歸時路斜陽挂碧蘿
題南江校官彭井南秋林射獵圖時選廣東陽
春縣卽以贈別

連年羣盜蹂川北豺虎如麻擒不得南江鄉縣古難
江大小巴山尤逼賊泮官先生非腐儒推書夜起摹
頭顱手麾土兵出鬢序毛錐一擲持軍符臂弓腰箭
騎生馬指點旗矛氣瀟灑赴急聊分將帥權酬功敢
望丹青寫是時賊勢猶初闕果有神機謀必中至今
遺恨方山坪連營坐守甘心縱書生有才合無命重

南江縣志

下卷

四

圍不死非天定一隼摩雲衆鳥驚沙場終仗人謀勝
解甲歸來苜蓿寒經師論俸偶遷官珠江南下銅章
好重撫良民定不難征袍舊染血模糊九天清問會
傳呼逢人那更設軍旅聊寫秋林射獵圖嗟予落拓
依京輦伏枕思鄉愁不展惡氣旋胸裂有聲夢中蛇
鳥憑空演嘉陵涪江西復西春來處處增危機家山
破碎親朋少忍送雙鳧海上飛

從漢中取徑南江因爲短述

世王經芳大名

樊林渡澗只啼鳥絕蹟村煙山徑迂每擬相如窺世
業胡爲阮籍泣窮途人藏深谷煩招撫虎嘯巉巖問
有無欲繪流離難着筆不勝感慨共長吁

宿九隆寺始見南江父老漫述

藍藍縷縷白頭翁稽首開言眼欲紅道是

聖恩簡令到因而躬叩出山中慰勞轉展方辭去指點分
岐此路通只爲亂離民未獲于垣何日集飛鴻

九月朔初度述懷

南江縣志

下卷

五

揆辰九月逢初朔民瘼經心心更憂不意荒殘竟若
此生來抱負竟何剛行囊儘可需晨夕征餉何嫌自
點籌起視閭閻減色喜一時頌禱福山邱

錦屏山

秋風吹動蜀江城孤嶼江邊看月明關雎袖家常駐
足也知騷客有閑評楓灘夜色如機錦翠染山容似
畫屏不是宦途羈我跡時來酌酹卧三更

勸農

青疇麥浪壓東風猶見耕犁夕照紅近日庭閑無箇

事漫攜壺酒餉村農

課士

粉披桃李李春風春風午見成蹊八月芳不信比來都缺

美賢書早已姓名香有中試行鄉說兩翼

修序

宮牆萬仞總荷香獨揚家囊構講臺廟貌靈光堪彷彿

徧巴江春水泮池來

招徠

中澤哀鴻次第回那寒暑雨見心裁可知三代多遺

南江縣志

下卷

六

直聞道遐取盡子來

署中述懷

悲吟陟岵句成就感元方春夢歸廬井秋雲隔雁行

天涯懷尺素拘束是官常喜得庭閑寂月明到粉牆

集州懷古南江古

其一公山今縣治一名白鹿山形

公山山上編秋風荒署凄其落照紅欄說仙家乘白

鹿至今石岸伴飛鴻

其二凡水回繞縣前

隱几閑臥五經秋宦跡飄蓬似浪遊此日坐深流
上幾回垂釣看沉浮

其三

菖蒲澗縣東三里有唐人詩句

菖蒲幽澗水潺湲有箇閑吟大曆問我亦東郊尋故
事留連此地不知還

其四

鷹嘴山一名鳳喙縣北二里

秋隼應難與鳳齊喙餘須共少陵題啣來丹詔知何
日猶帶昭陽玉露啼

其五

三角山去縣五十里蕭相追韓淮陰過此下有水龍洞洞內潮水不時泛漲

南江縣志

下卷

七

豐沛功名未是難鄼侯先着在追韓水龍洞口時時
漲疑是英雄淚不乾

其六

天榜山縣西南二里巖庠爲面壁形可掛榜

不向尼山卽面牆桂花香處榜初張玉蟾有分留題
字許共巴流一色長

其七

米倉山一名大巴縣北八十里後漢張桓侯過取平城時爲隘口

可是量沙夜唱來胡然猛將陣雲開苦教煮石供儲
餉笑煞曹家渴望梅

其八

光廡山縣北八十里其山高有二十里許絕頂有老君煉丹處至今草木不生產藥

材凡入上此山
者亦有定數

三昧緣何火未除至今春雨草全虛萬尋不礙清空
處定有當年訪道書

贈演禪寺普上人

何爾泰

天池高閣近佛光長教參禪坐上方雲磴透迤貝葉
潤仙篁披拂寶花香千章梵語圓通少半偈真空解
脫長歸向禪宮尋入處蓮臺却不在他廂

寄演禪寺普上人疊前韻

靜室高崇近佛光真人樂此悟禪方地連石笋仙踪
現身濯天池鶴羽香局外原來知道少箇中自是得
心長蓮臺有信花將吐一派東風拂上廂

演禪寺

禪宮靜宇天池寨高閣凌空四面開溪水兩邊南去
合閒雲一段西分來近山花鳥沐烟雨隔岸耕耘頌
佛岩何用別尋方外勝眼前景物絕塵埃

知參上人像贊

美哉大和尚信是如來樣面壁功九年丹爐全不放
高不似金剛勇不若巨靈一點真骨力擔荷大乾坤

一瓶甘露水遍地楊柳春面是鉄石面心却菩薩心
盡是仿莊嚴不許功勞簿大夜與鉄城俱沾慈航渡
莖草化金身芥子納須彌此中有佛力料得少人知
慧眼觀三界明珠照四方君身有仙骨到處散毫光
香阜泯萬有四維無障礙梵唱入雲衢空心觀自在
遺難復投大治劇亦理煩慧劍吹毛過打破這禪關
摩詰方丈室八千獅子坐明月與清風常伴高人臥
三乘參至理五蘊舍道妙梅熟爛脫時拈花微一笑

小巫山賦

一名十二峰并序

邑

王經芳

大名

世傳巫山十二峰在川東楚西之交兩岸壁立中流
瀉山巒竒峭林木秀麗爲海內曠觀南江萬山環
翠帶溪淺碧亦有小巫山十二峰余每遊覽幾與六
一先生醉翁亭東坡居士赤壁並垂勝事第以歷遭
兵燹不克小築一亭偈架一葉爲缺然也因而賦曰
唯三巴之閑曠兮育巫山之麗秀自襄王而朝暮兮
垂佳話以永久奚扶輿亦效顰兮轉東流而北走于
里之南江兮乃勝蹟之並有繫維南江亦曰小巫峰

南江縣志

下卷

十

排十二碁刻星羅檜林沉碧豹跡盈途松脂密缺虎
珀光多懷赤帝之入關幾南顧以納秭暨中山缺

安亦北圖之疆場豈天寶之廻鸞拒史安於奧僻若
夫羣奸竊踞何代無兮萬山重疊恃阻險兮北眷連
雲道惟棧兮西瞻劍閣關尤嚴兮然我聞之不見朝
雲輕烟繞兮少施暮雨行路濡兮秋林如洗楓葉濃
兮春霞散泊芳樹柔兮時而士女寫憂攀峰踰嶺遠
望之以如仙近卽之以修影時而樵夫負薪丁丁澗
澗竭一日之辛苦歸晚村而待餽時而枯僧結草尋

幽搜僻恐入林之不深或徙倚於巖石疇而便令尋
春檐羊潔酒展簿書之憂動聊穿揚以躬柳嗚呼噫
嘻天壤間氣結而成峰怪形異狀秀挺寰中小巫大
巫何必相同倘品題之久富人力亦奪乎天工

大巴山行

三巴之地此其一中有山兮誇翠嶽行入乍道日影
斜東山不見西山日鑿山跨木半山腰下有汎流亂
石漂猿狐覩此胆且落何況牧童窺採樵採樵缺
人烟少手持斧柯頻頻眇其中亦有莽丈夫拔缺

虎山之宵其如蜀虎畏強梁遠避深崑聲不揚伊人
剛猛無委曲怒氣忡然目大張此山直接溪中道此
人徒自英雄老君不見宇宙是無涯多少胸襟負懷
抱

嵩瀟澗記

唐闕名

自潭北入澗行經此新開路東不啻三百步其間巨石壘倚嘉木交映空森復聳奇勢異狀綠苔青蒲印模履蹤捫手探足無非蒼翠幽禽皓皓飛泉渥渥若有異人仙客鼓瑟吹簫於洞穴之中使人心怡神暢恍然忘歸斯實方外之佳賞也噫自有此澗杳無人蹤豈異夫浮世之事通塞有時耶合鑿崖爲路梯石爲徑連延抵於碧崖盤石之東究其澗分之所開成四年十月二十三日武功男子記

南江縣志

下卷

三

將仕佐郎辰州照磨何琢亭先生墓誌銘

何通衢

南江之境有小圓山焉支隴中峙盤鬱夷衍江河外抱轉折環流羣秀森拱風氣攸聚有封若釜上不洩奠下不涸泉如馬鬣者琢亭何先生之墓也先生諱璉字汝器籍於巴之下邑曰南江少負奇特攻舉業志弗克就以例入成均掄選銓曹授楚辰州照磨先生性豪邁不能依阿取容旣乃歸而就閑與二三知己吟弄風月優游林下其處家治事卓有規度因心

之孝見稱宗族而悅親之誠未嘗稍衰友于之愛著聞鄉黨而鞠子之哀未嘗稍失燕翼貽謀及於子孫而世澤之傳未嘗稍息故一時之間且見者無弗愛而敬焉亦足以觀先生之概矣先生父曰通國志於儒隱德弗耀娶馬氏生子四先生其次也配袁氏幽貞內則闡範肅如生子曰如可性敏學博應貢賓廷銓注仕籍孫洛以例入監觀國之光汴亦勤學待用一女適蕭氏之子曰漢卿嗚呼先生之嗣穆穆皇皇他日民社是寄以華邦國是皆先生義方之教所致

也先生可謂不死矣先生生於正德之庚午卒於萬曆之乙亥年六十有六卜葬小圓山以窀首邱也不封不植遺命也生順沒寧備道全美先生之後如此可謂善體其心矣走狀懇銘於予予與先生同宗且有莫逆好按其狀而嘆曰先生揭德振華而藩籬是固厥修醇矣摠幽發粹而鑄錯是試厥用利矣創業垂統而光裕是貽厥施溥矣獨不能久於其世者豈先生之所能者人而不能者天耶嗚呼天也人乎何尤銘曰猗歟琢亭有道之士磊落高風直方

正氣士重其才人待其器當官有聲居家有義天作
之合以德相濟佑啓後人祥開百世萬曆七年二月
前知房縣事何通衢撰

沙溪壩修路碑

岳虞詢

南邑於蜀蓋彈之尤面之墨子也治設在藍鄢之變
兵火烽燧之餘壘石爲垣環峰作嶂層巒絕巘蒼蔚
嶽峯躡躑雲霄巖山峽谷僅可通軌跡幅幘險遠下
達岩渠上接漢沔其間鳥道插天巉巖壁立迂迴峭
峻目悸心搖而往通江之大險巖爲甚其間萬壑爭

流山漲奔騰震動天地而往通江之南屯河爲甚大
險巖一帶舊爲羊腸峭壁側立千尺人不敢比肩馬
不能並駕歷來失性命者不知幾許南屯水道舊有
舟楫守吏爲裁減遂至慈航無葦飛渡無術歷來陸
壑而浮者又不知幾許南邑之人袂雲汗雨擊摩累
累究無發大慈悲捐大施捨以闢其路救其流救人
之險於危而拔人之厄於流者獨張子憤然曰是途
焉可不修流焉可無渡乃爲之鑽石礎墩使人無顛
蹶履越之慘而又爲之徒杠輿梁使人無臨深履薄

之危迄今通巴南廣之民登其途而坦如臨其江而
躍如往來其中而欣如則張子之功之力之德利賴
無窮不可殫也况其更作大役廓東郊之舊路計其
匠作之費凡用糧糗若干工石資若干皆捐自張子
之家出自張子之囊而毫不以粒米寸絲及於十方
之士女蠢獨念造之獨力成之獨計畫之以求不愧
於天而天亦於冥穆之中垂青張子之善錫以多福
爰昌厥後天之報施張子又何其若合符節而絲毫
不爽乎吾意千百年而下有張子之橋在卽有張子

之功德在卽有張子之名譽在張子故稱不朽而後
之欲爲張子者亦並不朽也予故表而出之所以美
張子兼以勵後來之爲張子者張子名翼號仁軒天
啟六年十一月前雲南石屏州刺史岳虞詢撰渤海
吳道行書

國朝

几江集序

楊 斌

昔人云詩有別趣言理則腐又云詩有別才非關於
學斯二說者余竊以爲不然蓋趣不入理則爲詖辭

才而無學終屬巷語孔子刪詩三百凡征夫游女草
蟲狐兔之類皆可取以入詩趣矣至夙夜基命宥密
之章瓜瓞厥初生民之什說理之妙無逾於詩者杜
子美長篇累牘下筆千言使人誦之慷慨激烈歛歛
欲絕才矣然敘一代之事追千古之人凡興衰治忽
食貨兵農皆考據典確鑄史鎔經非學而能之乎則
是趣與理才與學不可偏廢取之精微極其闕肆而
真詩出矣吾同里石翁先生以家學淵源早歲掇巍
科入典秩宗出守大郡數歷中外二十餘載閱世既

深胸藏益富讀書論世之外出其緒餘凡所遇山川
草木風雨晦明往哲前豪友朋贈答憂患烽烟無不
托之於詩故其詞時而俊逸閒遠時而渾雄蒼莽時
而以獨造爲宗時而以奇拔見長諸體具備衆妙咸
臻是能趣以理生才以學貫三百少陵之旨在此矣
嗟乎詩至今日而弊已極五尺童子纔拈聲律便欲
自作名家按之格調無異目盲昔元次山痛風雅淪
亡謂世之作者徒沿襲形似祇可以施閨房不可以
見士君子故作爲篋中集以反正之若乃性真情

古格高則振衰起弊不得不推吾石翁先生爲近今
獨步也茲將彙而付梓故爲數言以告夫世之讀是
詩者康熙丙寅正月內江楊栻撰

又序

榜徐秉義人江蘇

士君子心存千百世以後不必奇勛偉績震天壤也
數事生人功足紀矣不必崇論閎議矜作家也數語
合道言足傳矣然則德能生人言足證道文章事業
交重於時煇煇奕奕不可磨滅豈非士君子之所厚
期而不可必得者哉我夫子石齋岳公凡江望族世

南江縣志

下卷

七

有顯人天資聰穎舞象時卽能詩賦爲學使閩南陳
平人先生所器重廣陵陳曼仙先生亦以國士期之
更攜涪陽文集示人至公家世孝友德行文學表重
鄉里蜀之人士皆能言之未幾舉孝廉宰東海勤幹
精明不畏強禦戢橫孽之狂噬制逃毒之妄螫數邑
之讎聞風而息青之人安於枕而獲免死徙之禍者
督撫上其賢良入春官參酌禮樂修舉典儀秩宗之
政燦然滿漢宗伯推其能丙午分經得士張君玉裁
等嗣歷計曹曉煬庶務吏胥無敢作奸周知天下錢

穀之數分核出納會計佐修賦役全書均非一世之績已酉秋典試京闈凡南北好學深思之士並無淪落之傷明年捷南宮者滿漢幾八十人論者咸謂從來得人未有如是科之盛焉時以旣越枕海

至尊南顧遂出刺天台海氛蹂躪百姓倉卒徙亡道尸枕藉公率各屬拯救不遺餘力起民之死而生活之者不知幾萬人也旣而賊蹤斂跡吏畏民懷每以二日一視郡事五日一集賓僚諸生賦詩課文台州文藝蔚然復興而政務亦鉅細畢舉初陳防海十策大吏

不能用因病迄歸再越歲而有南征之師衆咸服其先識迨起邵武一以治台之道治之戎馬之場瘡痍頓起弊絕風清奸宄屏息暇則與士大夫論文講德竟日不倦而直方之概終違於俗未期年而解組退居白門無與外事課子讀書手不釋卷所著有几江集問世秉義受業二十餘年嘗書一聯於廳事云壘鹽清夢穩鐵石古心存亦以公之爲人忠厚端慎德量淵深居家澹約僕從寥寥絕無矜飾上人之情所謂金玉君子有合德矣間嘗求其詩稿舍祝釐應酬

兵燹遺失得新舊數百章皆法律精嚴氣識格調雄壯高渾化餽有雕繪之習爲追琢雅練之章溫柔敦厚流溢機杼益公當蜀江變亂流離阨塞浩歌慷慨之懷沉鬱奮發之氣歷落風塵坎壈之間憂思彌切歌呼益壯而諷詠愈工如讀少陵入蜀以後諸作東坡海外歸來諸篇雖備歷艱難而生人之德大雅之辭並堪傳焉則雖未盡其用而天將報之以名士君子之所厚望而不可必得者其在斯乎惟是

聖天子嘉尚文治風雅作人睿藻天章照耀宇宙士大夫

南江縣志

下卷

五

方從事詩學而公將攜稿歸蜀藏之名山義慮無以公同好也亟取而付之梓康熙二十五年上巳前三日崑山徐秉義拜撰

公山書院碑

邑令聞肇煌

予蒞南江五年地僻事簡恒孜孜若不及葢拙於吏者也雖然一夫不耕吏飢之也一民不教吏愚之也予旣爲邑吏安可以拙辭夫絃歌之雅化無遠不屆不以簡陋遺也山川之靈秀無地不然不以偏僻異也南江人士沐

聖天子培養之深而又得地靈

若此固宜人文蔚起科甲蟬聯而尚不能臻其盛者抑亦人事之未盡歟各直省欽奉

諭旨設立

院而祁縣亦增置義學振興文教者比比皆然予初蒞此邦軍需甫定撫字未遑年來百穀順成差糶不擾補拙之暇縣與新進講習典儀而多士亦皆忻忻有志但城鄉遠隔往來不常風雨晦明潛心無所謀之藁君學博共繼前人未遑之志擬費庀材即商關內義學舊址擴充而興建之前三楹爲肄業之所後爲講堂廡廡四楹齋厨四楹綠石以垣與工之日

士庶踴躍接踵而至閱三月落成頌曰公山啓秀誌其地也屋宇高爽堅厚莫若監理之功居多因謂予爲能振興文教予能云爾哉因地制宜固邑吏職然予竊聞百工居肆以成其事又韓子之言曰業精於勤荒於嬉斯舉也以爲致道之居肆可也凡我庠序弟子以及俊秀岐嶷者咸得聚於其中延明師以督課之平居講明體用之學賓興拜獻之資將見人文蔚起科甲蟬聯公山凡水玉潤珠輝流傳之歷久而彌彰垣楹之長新而不敝則以後後之君子有同心

焉龔君學博不以子之拙而請子記之子重其事兼述鄙意如此

重修保寧府巴州南江縣漆坪寺記

明劉光先保寧進士

嘗考佛氏之興肇自西域至成周時教始倡於中夏有論名曰萬緣人或有崇信之者尚未能盛行也延及漢世有封禪之舉唐時有佛骨之迎開元間詔天下郡縣各立禪寺佛教於是大行於中國自是而後尊信者日衆敬崇者日廣發菩提心開生死路有

遍天下矣宋紹興壬戌巴南下邑崇清鄉設立禪寺名漆坪後因日久傾圮至國朝成化六年復古重修其刹仍舊後寺所居僧咸樂缺數字格雨去之焚穰

者集之衆來者聚之繁且住持僧名宗托者幼志禪學遠遊四方諮訪明達期至禪關士庶咸集謂曰此誠勝地惜毀宇傾頽缺人補修故留此以更新原天下叢林舊跡未有不能不布施也昔功德主岳青才生杜文彬偕同比丘募化不二年復古基址惟仍其制煥然從乎其新可以至千萬世不朽與

銅鐘碑記

知南汪 恩 金

南邑古集州也相傳州署在縣署河東旁有治平寺
世遠年湮署與寺不可復識居民劉姓葺茅數椽嘉
慶十六年二月四日地微坼兒童嬉戲墜物共掘土
覓之金光燦燦深尺許得青銅鐘頂平身直高二尺
四寸厚九分肩圍三尺五寸唇圍五尺二寸紐相承
如連環四面受擊處如朶朶蓮花狀其色班駁其聲
鏗錡殆數百年物也噫豐城劍氣上應斗牛寶器之
精歷久不泯此鐘不知鑄自何代設自何處閱數百

年興衰治亂而始見於荒烟蔓草之中可謂神矣邑
人請移置關帝廟以迓神庥爰詳其巔末而爲之記

李家寨募修夫子廟序

衛道凝

漢景帝時文翁爲蜀郡守於成都築石室以課士當
時蜀士彬彬至比齊魯又作周公禮殿以祀先聖先
師其時天下尚未有廟與學也至武帝崇尚儒術始
令天下郡國皆立學而祀先聖先師是天下之廟與
學實自蜀始唐以前聖廟以周公爲先聖南向孔子
爲先師西向稱文宣公至開元中乃以孔子爲先聖

加號文宣王冕旒正位南面而頰閔而下並封公侯
伯從祀宋元豐中又封孔子父叔梁紇爲肇聖公元
武宗大德十年又加孔子號爲大成至聖文宣王並
肖像祀明嘉靖九年用張璁議孔子不宜肖像稱王
宜木主稱至聖先師從祀亦去公侯伯之號用木主
稱先賢先儒廟後立啓聖祠祀孔子三代防叔伯夏
叔梁紇爲定焉南江嘉慶初年兵燹後徙治李家寨
官署倉庫頗具獨先聖之廟論二十年未舉春秋有
事則寄位於關帝廟中誠缺典也記曰凡學春官釋
奠於其先師秋冬亦如之又曰凡始立學者必釋奠
於其先師及行事必以幣由是言之鳩工庀材以新
廟祀寧非今日之急務乎故曰古之君子舉大事必
慎其終始而衆安得不喻焉嗚呼明則有禮樂幽則
有鬼神凡我南江諸君子能毋敬與

募修鐵佛寺序

衛道凝

鐵佛寺者南江治西之古刹也治本漢葭萌縣地梁
始置縣曰難江北魏以集州明又改南江其地高山
峻嶺磴道盤紆爲川北邊要按輿地紀秦蜀之道有

三一山陽平關至青川者曰陰平道鄧艾之入蜀由
之一自褒沔至七盤關者爲金牛道秦昭王伐蜀及
今之驛棧由之一自葭萌出漢中者曰米倉道昭烈
之取張魯由之南江卽米倉道也城道狹隘孤城如
斗中無餘地惟治有鐵佛寺之遺蹟在焉按碑文明
萬曆中城多火災於此創立帝廟其像皆以鐵鑄故
俗稱鐵佛寺嘉慶丁巳賊破南江公署及寺並燬於
火縣令裘公良駿移駐李家寨後遂因仍相安踰二
十年茲制軍蔣以南江爲川北門戶願請建城調三

丞

滙承羅侯德嚴來署縣事經理城工余時內佐羅侯
見神像露處欲募葺之侯曰予志也卽捐俸爲倡都
人士亦各量力助工三月而復其舊焉爰序所以而
記於石云

南江山水道里記

衛道擬

南江在萬山中深篁密箐統計東行約百餘里及於
通江西行三百里有奇始界蒼溪南之抵巴地也必
須二日有半而北至寧羗之交不下三四日乃達寫
且遠路道盤紆或溯溪澗之中足長涉流或攀僂岩

而上手必拊石非強有力者不能至非因公查踏尤不能至宜乎山川疆域茫然莫悉其概也予居此數年因公遍歷脈絡心識不難口授指畫何則南江之水凡三而已其自陝南鄭縣發源者大小巴山溪水流入關壩河受小水十餘股經中魁米倉九龍諸山二百餘里而至縣城水環城郭如几謂之几水而所面之山曰公山由縣下四十五里過梳竿嶺至羅坪河其水自小巫山來匯又十二里至沙河舖有水由南山坡之分水嶺來東北會之可通舟楫謂之巴江

下三十里至赤溪過圓頂山折而西爲兩河口會明水水又益大至靈應山北之元潭場逶迤而下歸巴州地蓋自發源至此四百餘里謂之經流其自樺林關發源者曰南陡河受羣流五十里至趕場溪過孤雲嶺兩角山西流四十里至關路口又二十里與高坎復流至大河口爲明水明水下至龍門溪歷石板潭至神潭場溪流入兩河口合於巴江爲城東方百里內之水也其在城右西北方二百里外者曰火寨河源出金臺寺受天馬雪山諸水流三十里至木門

折而東六十里至鎮子壩受蔡家河石龍溝諸水復
六十里爲恩陽河出南江界入巴州地乃通船隻下
總滙三江口焉此三水者並出南江而入巴境始竟
濫觴終及方舟綿亘四百餘里源委苟明而諸山在
三水之間者無不瞭然在目矣夫南江地僻而多山
山多則疊嶂層巒記不勝記地僻則賢踪莫至傳之
無傳故雖通志之詳而畧無所載焉雖然鬱之彌久
發之彌光南邑千里山形蜿蜒磅礴終爲鍾靈發祥
之壤後之人儻然奮興能爲不朽以無負此山川之

秀異焉是在此地之卓然自立者我輩宦遊未能與
也

博士京兆杜公墓誌銘

正德二年無名

粵自乾坤旣判人任其間三才之道以孝爲先有子
曰其爲人也孝弟孟子曰堯舜之道孝弟而已誠以
孝者百行之原能孝者必弟孝弟無虧自可著異於
世况言坊行表之更卓卓者乎保寧屬之巴江恩賜
博士杜公暹者京兆人也祖遷於泉津世業農桑父
曰剛母氏胡有子五人暹行第三娶劉氏孝行上聞

得賜博士而父剛並授恩官由進生平任事可證盟
心故也博士善著作纂修之富盈篋皆有條理可觀
長昆哲舉孝廉胡氏次日安岳氏四曰亨岳氏五曰
良岳氏胡氏皆以博士故三世同居不分爨火怡怡
一室毫無間言鄉閭姻親以爲矜式遲既卒乃卜良
山之脉結成風吹羅帶形穴者爲窀穸并丑未向山
環水繞四獸均平以正德二年丁卯之歲二月十四
日丑時收金歸庫安葬爲文刻石以記銘曰來龍有
勢四獸均平風吹羅帶結此天心爲公吉穴以表孝

南江縣志

下卷

七

純視此墓誌後代其興

疏河記

邑令 胡炳進荆門士

南江舊名難江言江水險惡難涉也余自庚辰莅任
茲土疑其源源不竭何以不通舟楫問之士人則習
與相忘久矣夫南江旣治於此商賈之輻湊行旅之
往來有無之貿遷在在任以肩背憊矣而無濟於事
且江自光木山發源東南行而與岷江合流以入於
海其濼洄城下者瀕滂溢涌大小畢浮以天地之大
用置之無用之地未必非亘古之一憾也若云灘勢

險難詎有過於夔巫之間者因其難而難之天下無
不難之事矣昔神禹導江岷山蓋亦泛濫梗塞莫測
涯涘今舟行江中乃至神斤鬼斧所不能施者獲利
涉焉惟先不憚其難是以後世享其成功矧區區卷
石安能忍而與之終古耶去年冬嘗試其事鑿石淘
沙小舟可泊城下既乃大募夫役剗却險灘龍坑石
廣壩猴猴箭諸隘用緡錢二百有奇城中士民胥役
醵錢四十餘千其餘皆余爲捐廉凡七十日而功成
賈舶以集物價以平樂歲凶年可以汎舟而互糴所
謂一勞而永逸一費而百省者此舉是也民間樂其
成因記其事之所由始如此

關帝廟碑記

胡炳

皇上御極之二年春縣令胡炳與同僚蕭將祀事如典禮
既徹司訓衛道凝揖而言曰自兵燹以來廟壇爲墟
春秋有事爲位而祭既無以妥神靈亦非所以光照
祀典也退而集士民議

聖廟基址僅存片瓦一木舉爲煨燼且其制度宏多非醵金
所能蕝厥事也維

神像巋然猶有正殿因其隙地度爲堂室殊易爲力
曷先試諸僉曰諾於是以前月癸未經始越明年五
月壬子落成先是正殿議仍其舊茲乃拓而新之凡
用松柏若干金漆丹堊之屬若干錢若干緡樂輸者
若干太夫通都大邑土地肥美民人饒裕官其地者
今日築一臺明日建一亭用以粉飾山川斧藻性情
無不易如運掌今以祀典所崇廟貌闕如者二十餘
年遲之又久乃敢相與慮始幾幾不敢卽望其成然
而斯議一倡士庶捐貲爭先恐後規模畢具爲一邑

觀此以見瘠土之民之嚮義

聖廟請於上果得請則禮樂可興人文蔚起無復山城之僻

陋矣是故於其成也書其姓名於石以爲好善急公
者勸若夫始終不倦巨細必親則武舉鄭映芳庠生
趙增元之力爲多云

建修奎星閣碑序

教諭

彭

鼎拔貢

考天官志載奎星二十八宿之一西方十六星曰奎
主文昌主武庫又考漢史記衡星當南斗魁星枕於

參星之首魁斗第一星也在文昌六星中司上將司
命司祿魁司貴人各有主宰今日人間奉祀奎宿或
卽魁星疑兩星並主文明焉通都大邑暨廟宇建樓
閣香烟日勝俎豆彌興宋乾德二年丁卯五星聚奎
今

上道光二年欽天監復奏五星聚奎見於省報則知

文治光昌奎星普照宜山陬海濫士人及羣黎虔敬
不替也南江縣西五十里盤龍山有蒲家坪監生李
琛年高德邵渾樸老誠好善君子也方境從前興會

南江縣志

下卷

三

積有百十餘千錢歷年地方公費用去數十千尚存
若干李君有志培補文風同一鄉賢士相商建修奎
閣以祀文星相陰陽卜流泉鳩工勒石工費不貲所
有錢文俱已因工耗用而廟閣堂皇香煙不廢於其
告成居鄰士子罔不悅敬問序來城予司鐸南江日
願文風之振久矣今年歲試李君近鄰入學文武生
二人可卜奎閣一建其鄉文風勃發文列螭頭武入
豹室爲南江爭色匪獨董事諸賢之幸是亦余之厚
望也

岳氏家譜序

狀元 徐文元 長洲人

家之有譜猶國之有史史之作昉於尚書而譜之興源於世本史以誌一代之興廢譜以志一姓之盛衰其義同也然考古者左史右史之職善惡畢記以備勸戒而譜系之書則惟揚其徽烈紀其蕃衍追華胄而表高門以示後人無忘盛德之所自可矣乃昔人謂譜者一家之史而春秋才不才竝舉其族則淑慝之辨未嘗不斤斤焉屈子之爲楚辭也而本高陽之苗子長之爲史記也而序重黎之後是則譜之爲義

南江縣志

下卷

三

於史乘詩歌無不可相爲一貫者余嘗持此以衡近世而深慨夫譜學之廢絕也岳氏自宋武穆以前世系不可考武穆死檜方用事其後人易樂姓以免家於麻城其遷蜀則白理宗朝樂公之正令難江始也其復姓則自樂公孫文壽始也自是岳氏之族繁於郡邑登仕版者蟬聯不絕故傳至朝議公以孝友學問稱於其里蜀之人已知岳氏之必大矣及石齋先生而果驗官於京師今直爲

天子二千石吏豈非忠孝之澤久而益光者歟古人有避

仇而易姓卒不以改者有遷別而忘其所出者霍氏
之世衰籍談之無後傳記書之以見譏乃岳氏遷蜀
後屢經寇難至逆獻之禍蜀之高門大家幾無子遺
而岳氏巋然獨存又能出其譜於荒巖斷莽中而修
正之夫遠而不湮者先人之德也久而能傳者子孫
之孝也石齋先生以宏敏之才內篋錢穀外牧黎元
乃本庭訓而述祖德懍懍焉惟先人之遺言是誌蓋
將昌大其門以光武穆之緒而是譜特爲之兆爾故
余樂爲之序

遂寧李仙根
榜眼

譜之作也大抵先世有不可泯之勲名而其後奕裔
繁滋枝葉昌密有不可掩之徵應於以珥筆編奏俾
觀知德業之所由起而子若孫亦或聞聲思慕揚輝
嗣音於無窮蓋自古策名樹績捐軀赴義而爭光日
月者代不乏人獨至聞章武之關公建炎之岳侯莫
不毛髮惕慄斂眉翕足若奇偉之資浩博之氣凜凜
逼立於前也乃關公嫡裔竟與爇燼同灰豈其火土
代之家國併命有不可解者耶至岳侯所處則天命

未改庭狝內噬雖一時有巢卵之禍而幽冥共枚肆
之思以故毫毛斧柯日滋月茂金莖紫芝摩肩接踵
真令人尋源溯流景嶽慕響然後知忠孝節烈者獲
報不訾而奸威詐力之偶中於目前而適足以載揚
奕光也吾蜀自值獻逆之變城郭人民一旦盡非鶴
猿蟲沙之感比比而是而著姓望族匿避愈艱每舉
一邑某氏存者幾某氏存而善且慶者幾指未數屈
也而南江之岳氏則猶以昌太聞及覽其家牒乃知
武穆之苗裔以防危遠禍避地易姓更歷年所而後

承先志復本支蓋其間憂虞惕勵勤勞慈厚子孫世
守以爲家風而 朝議公積學累行髦期不倦助以
馬太恭人內政陰隲已足億禎於以上招天和而卜
豐宗祧又非一日况其爲忠孝節烈之遺而勲必不
可泯者哉固宜其振振蔚起若汲水於溟渤而引飲
於爰洲雖百六不足以窮而坎壈摧抑屢屈而彌康
今

上命守天臺公之行也索序於余余因是思章武建爰
迄今千數百年而二公威名率於山岳雖赤帝香孩

亦用不朽寧獨爲私門紀乘光哉而岳氏之後之昌
大也猶足以爲賢臣者勸而不肖者戒蓋亦子孫競
業景行行止之克迓天庥也多矣因書以志嚮往焉

洋潭記

翰林岳 度

洋潭者因江而得名也洋之水源流盛大而渟泓靜
深故曰潭潭底金沙歷歷可數自洋潭沂江東北上
至關壩胡家營三十餘里沿江西南下至南江縣九
十里其主山名天柱峰正居子位爲水田平前山俗
呼關翁寨以居民避亂其上有關帝廟也山腹一嶺

南江縣志

下卷

五

垂下不數里分爲二嶺嶺之上下左右皆茶園田宅
東嶺前祖房卽朝議鶴宇公舊居基址坐子向午少
兼壬丙經亂止有小樓森然松柏凌霄江東西岸與
西嶺前在田咸屬焉西嶺上名大墳亭纍纍數塚更
無他姓馬鬣中封宗顯祖宅兆也磊石牆園松柏蒼
蔚內有石亭存焉下名大營營內皆祖宅雜變靡存
宅後爲南峯蓮峯東峯諸公住城及近支墳塚厥後
園宅盡歸朝議公次子步瀛西惟瞻宇比隣自小溝
子溪水入江下至峽壩兩河口之水入江處上下

二十里淵潭澄碧曲折環抱與山勢相爲開闔夙稱佳麗之區江之南岸爲玉干山位正午卽洋潭前山也又名蓮華峯其山頂數峯錯出如蓮瓣然形勢秀挺如王侯公輔端冕垂裳正襟安坐氣象閑舒袖手環搭膝履俱現衆山羅列似兒孫焉山頂石壁形如二人一坐一立坐者兩手捧若嬰兒將付立者立者亦若舉手接抱之狀傳爲仙姬送子云山之左臂小峯數箇挨肩而起如雁行侍立玉女峯又如天馬行空騰驤奮鬣舊名天馬峯山之右紫蔡家庄上亦名

天馬峯俗名鞍子坪如駿馬奔逸載昂其首大樹埡丹鳳嶺鞍韉纓轡宛然備俱山脊迤南則遙接鹽井堡之九曲崑古輿圖志所稱小巫山十二峰也江之東曰青陽峯卽景家嶺上熊家後山青陽之左與東天馬峯近者爲飛鳳山卽觀音寺山也形如飛鳳侯蔣公遊而名之洋潭正西有雲鶴觀觀右有溪溪西之上則爲珠泉峯俗名珠池埡山頸有泉自石罅中出昔有大蚌浮出一僧獲之得大珠數顆故山後卽兩河口也嗟夫家園荒杳吾諸子隨官生長於外細

爲記之俾歸時得考鄉井云

壽典文學博姜鎮東老先生七奏

湖南彬州牧朱 倌進士

古者家有塾黨有庠術有序國有學皆立之師凡以
裁成後學造就人才也漢自文翁立石室於成都蜀
俗爭輝齊魯武帝命取其法頒行天下歷代踵行法
制日備而終不獲實效何哉蓋難乎其人也宋仁宗
時國子先生必求天下賢士真可爲人師者如胡翼
之之徒使端教化故當時天下士不遠萬里來就師

南江縣志

下卷

美

之其遊太學稱弟子心悅而誠服蓋猶有古法之遺
意焉噫翼之誠賢數百年遂無賢愈翼之者乎不惟
賢愈翼之而已豈無扶世立教有補於文翁之化者
乎古今人將母同何遽謂其不相及也興邑在唐爲
晏州至明築城建武易縣名與文我朝併建於興
士風蒸蒸日上奮興科目者不讓隣邑而醞釀深醇
似猶有待余以薄宦久遊楚湘歸來聞邑中人士嘖
嘖稱道學師鎮東先生之賢不衰一時人文氣象視
昔有加焉是操何道以至此蓋惟先生以忠厚處已

以盛德感人以廉靜爲律度以不倦課生徒彷彿其行
誼其殆近日之翼之歟今春二月恭逢

聖天子臨雍講學行釋奠之禮修憲乞之儀而先生適以
其時壽登古稀邑侯成明府率邑人士製錦稱祝詔
序於余余竊聞先生巴西之南江人停雲巖十二峯
下實嶽降之地性耽書史少失怙恃寡兄弟迎其
族兄以居事必關白迄今數十年猶覩其族兄子如
己子時不率教則閉戶自咎癸卯領鄉薦友教於家
遊公門者登賢書選成均無不下霄壤上且化雨和

風自然及物薰其德而善良者幾千人歲丙辰邪匪
猖獗所歷焚燬獨留先生之室且諭後來者勿毀古
之人有敦行而賊相誠不入其里者先生何多讓焉
洎振鐸吾邑十有二年屢主講席盡誠教人不名一
錢以身作範生平行修種種類此是以嗣君善讀父
書食餼膠庠頻邀剡薦行擢魏科文孫更風度端凝
能文力學卓立不羣望而知爲廟堂重器蓋皆先生
之德積厚流光衍慶緒於無涯也夫師道立則善人
多植行深斯食報遠命由我立福自我求精神真固

理數無權先生已身無遺行澤遍同人自必躋耄耋
登期頤又奚事泉名種壽論著養生而後能與錢鏗
雍伯齊眉比算哉

聖天子壽考作人先生造福吾邑傳經授業至老彌新是
又昭代之伏生非特比隆文翁翼之已也諸君持此
爲祝先生其颯然而進一觴

拔貢楊廷賢尊人蘇州同知歿葬長池鄉墓銘

侍讀
學士吳錫齡仁和人

嘉慶十一年九月初八日蘇州府督糧水利同知楊君以疾卒於官勤民事也子廷賢南江選拔貢生嘗從余遊以狀來乞銘君既中銘法余安容辭按狀君諱璽字輯五號瑞圖晚號瑞亭四川廣元縣人家世業農贈君彥彬生三子君其季也少聰異出語能驚其長老贈君奇之始令就學年十八補校官弟子家貧甚寄讀僧舍夜則燃桐子代燈學益不倦庚辰舉

於鄉壬辰大挑二等以教職用選納溪教諭丁未陞潼川教授君雖儒官凡有關民生利害者輒白當事獎成之人稱其德癸丑授江南安東縣知縣安東地小而民瘠當河下游爲淮揚要害丙午值大水地池廬舍悉受淹沒君相度形勢力請於上游開通民便河以資宣洩畚鍤萬計咸自治辦故功成而力匱不恤也及署泰州彌自淬厲凡剔弊除苛與廢舉墜者不可勝計當調甘泉父老擁道遮留至不得已上官聞之遂從民請復借一年旋以卓異引見不數年

特擢蘇州督糧同知君度理明而料事當人之有吏才者未嘗不機幹勝之而欲求其平允精詳恆不能及故癸亥六月署太倉州事十月又署松江府事雖年耆耄及而精神充固莫不游刃有餘會丙寅淮揚水患復委桃源東臺諸處查災觸熱往來坐解艇中三十餘日暑濕蒸鬱殆不可支力疾還蘇竟以勞死時年七十有二也君夙有至性嘗父病自塾夜歸適與虎值虎反吼而奔若有神捍之者家無恆產惟置薄田數十畝以春秋祭祀教子弟以敬以誠自顏其居曰我知堂以明慎獨之學云初娶於趙繼娶於何皆封孺人子四人長繼且次繼曙早卒次繼曉捐職州同以堵禦教匪死難子祀昭忠祠繼昂國學生女一適主簿張問萊銘曰潔於身勤於民是爲循吏能以清白遺之子孫

何允倫節畧

南江教諭彭昭麟雙流人

何允倫字彩理號東海南江長池鄉人父哲生三子長允清季允任君其仲也早孤母張氏食貧紡績訓子以義故三子皆有聲賢序君性嚴直七歲能知喪藝嘗曰讀書須要識得忠孝廉節四字徒工文字無益也事母以孝聞親喪悲哀成疾暈酒不入口者三年前閩中令奉天徐公廷鈺實甫先生愛其文且嘉其行誼屢贈膏火之資使無以貧廢讀君益自憤聞安岳鄒先生楠善講學負笈千餘里往從之遊三年

南江縣志

下卷

聖

學益明志益定乃歸試遂入學嘉慶丁巳戊午間賊蹂躪川北君與賊遇既脫矣因與弟允任相失復往尋覓爲賊所獲時同獲者皆諛賊得免君獨曉以大義侃侃直言賊屈使降君大罵口殺便殺却豈有讀書明理而與族滅賊同處乎賊遂殺之里人哀之時年三十有二也

重修南江文廟紀畧

教諭彭鼎

嘉慶戊午余館成都時叔井南任南江教諭家人來
往備知賊匪羅其清冉文籌等猖獗巴州井南叔堵
禦方山坪是歲賊樊掌櫃由秦入南江蹂躪地方焚
掠居民邑侯裘遷泊於惠民寨以保生靈聖廟
之毀敗卽在是年嗣後兵火燹載廟宇孑然靡遺
瓦礫一片僅存古栢數十株荒煙蔓草中臺基殘毀
墻垣頽塌不識爲黌宮矣惠民寨因陋就簡聊爲
城邑二十餘年迄嘉慶戊寅制軍蔣始勘城垣飭

南江縣志

下卷

三

羅令督修雉堞衙署煥然一新而屢載秋收不時荒
歉南江元氣固未復也值道光丙戌夏合邑紳士僉
集余署請修文廟時錢邑侯以年歲未盡大熟民

力不給議未成而終止丁亥歲自春徂夏風雨調和
四境栽插知豐年有兆也維時胡堂台歷任七載余
司鐸九年於茲因紳士復請建修爰於丁未月庚辰
日齊集近城紳士具公呈請命堂台胡堂台同諸
位之呈爲文風起見培植地方我責也敢拂衆意但
聖廟大工須合邑三鄉士民皆有踴躍心近城十餘人卽

能計畫以爲成算耶紳士等會其意復於巳亥日共
邀三鄉老成練達士齊集請命於 堂台出而會議
訂簿募化某方某人董其事實心募化三鄉樂輸會
簿則四千餘緡矣於是購材鳩工諸匠各認其業估
工定價則衆議也採買收料則分任也設局收費二
人焉監工查核工匠輪流四人焉不紊不亂共矢天
良是役也丁亥秋七月興工越戊子春望後可以蒞
成上丁致祭 先師卽祀事孔明駿奔在廟矣念病
足數月藏拙南江行將解組矣幸 堂台之幪帡邑

士之厚愛不以殘喘而鄙棄之而大工之告成皆衆
董事相與有成焉特記其名載於志末事出創始闕
者諒之諸董事舉貢生監典吏職員姓名備列俾垂
不朽云鄭映芳何遵濂楊廷賢趙鼎重何思哲岳騰
漢李毓輝趙邦俊王作羹陳士俊何登序何廷瑞熊
映飛何聯捷何聯陞石占泰何鼎重李懷芳張學純
李時芳李尚志馬陽謙李尚青李芝何正綱何鼎元
向奎光石醇一姜其昌張秀升何文龍何廷學袁文
錦康國耀何聯級謝朝壽唐棣華康維琦何聯榜周

中規周化南王用賓譚心泰向子洪塞元音翟鳳翔
塞掄元張化鵬李含英趙允芳袁名傳張開濬陳美
韶何新儒陳紹彦周學山黎從正周廷相趙伯城譚
心典何惠羣何士現陳紹一何應泰陳中孚趙百城
岳步超李春玉譚顯宗張聯芳吳象乾楊青芳岳焜
芳岳浦芳何醇修陳嘉言何騰霄李品韓岳鵬飛田
鍾玉岳大蘊岳慶元吳象震楊廷升張心泰岳象新
岳更新王家相鄭廷芳王萬春岳咨齊書中楊桂芳
廖成武郭瑞青李開泰胡大年田安仁杜承露丹正

祥丹正川岳明川岳光國唐景仲張拱端謝玉藍曾
興蓮謝玉壺何步凝曾興萬汪正嵐謝存中岳騰暄
岳全仁張中侯張鍾瑚張景陽胡正坤李祖芳李芳
遠岳掄元傅正順袁廷棟廖文瀾岳騰軒趙培哲胡
芝蕙李含秀李廷蘭紀章友袁紹恆毛世棟楊士偉
趙炳晉楊天錫曾貫一楊天伸楊崇王中和吳昇東
李元培姜緒唐思九杜香洲吳正修袁閔中易聯級
謝賡朱龍榜岳錦章

則其姓字也

南江校士館記

邑令謝元瀛

歲丙辰余攝雙流篆適書院傾圮余督紳士拓而新之以其爲闔邑人文發祥之地余故力任其事也今余來蒞是邦會是邦有建造考棚之役旣拓基於縣治之東偏倚城垣而度之其材則取諸邑之古柏林柏林雖向係封禁然以公濟公未爲不可况其時大府尙未委勘

奏覆故前任高允准原紳士所請余而用之蓋基夫堂數楹即受瓜代余下車敬遵

南江縣志

下卷

奏案出示照舊封禁以爲地方永遠蔭庇幸廉紳士亦深明大義不復置議惟請於余曰材木旣儲經費無資余亦勉從所請復召邦人士而勸其量入輸以完公舉其勸捐諭示及辦理條規余均息心爲之冀其有動於民而可以不日而成也嗣釀錢若干緡得以次第畢舉於是大堂之後復建二堂一座左右耳房具備以爲官閱卷之所並得而燕息焉大堂之前拓以臺階壯觀瞻也其左曰東文場東文場之後曰東後廠凡列號舍共二十間其右曰西文場列號舍八

間西文場之上堂號兩間東文場之上堂號一間東
文場之下偏號兩間其前儀門一座旁列耳房俾守
門者處焉儀門之外環以廂房各一左爲廩保畫押
之所右爲諸童生納卷之所其外卽大門也其規制
之備如此余每於公餘之暇輒親臨監督以是知董
事頗勤而工不得惰焉凡閱一年有奇而厥功告成
余爲題其額曰掄秀堂榜其門曰校士館名從義起
也此外一二楹聯亦皆余所手制所以獎勵多士而
並寓期望之意云爾嘻此亦闔邑人文發祥之地而

其事較修葺書院爲更大於此見此邦人士之急公
好義具有同心與雙流誠無以異所可異者彼修此
創余均適逢其會焉亦不可謂非余之幸也余故樂
爲之記咸豐九年孟春之月

雜記

赤溪路側巖石倒於道右有王公路三大字未毀筆勢遒勁方正端嚴近顏魯公法書年號題名俱毀識者惜之

邑東南趕場溪古有鐵佛寺廟貌毀於兵遺鐵佛巍然高可丈餘爲明弘治年間鑄古碑亦斷

去縣東榆舖沿河古柏疎密相間直百餘里高處憑眺恍如青龍掩映高低蜿蜒土人云明楊邑令某植以護山徑不使大水齧山隄以保民地亦甘棠之遺

南江縣志

下卷

壘

變耳惜無碑記可考

神泉在縣城內照牆左側舊傳前朝兵圍城池缺水某帥掘地得泉故以神名嘉慶元二年間考試文生言猶見其碑自城遷李家寨開種城地遂湮沒其泉今無攷處

補名墓薛天相南江長池鄉人任湖廣大治縣令墓在長池薛家山

秦民有王行言以商賈爲業常販鹽鬻於巴渠之境路由興元之南曰大巴路曰小巴路危峰峻壑猿徑

鳥道路眠野宿杜絕人煙驚獸成羣食糜行旅行言
結十餘輩少壯同行持一拄杖長丈餘鉛鋼鐵以
刃之卽其短鎗也纔登細徑爲猛虎逐之及露宿於
道左虎忽自人衆中攫行言而去同行持刃杖而救
之呼喊連山於數十步外奪下身上拏攫之蹤已有
傷損平旦前行虎又逐至其野宿衆持鎗圍使行言
處於當心至深夜虎又躍入衆中攫行言而去衆人
又逐而奪下則傷愈多行旅復衛而前進白晝逐人
略不暫捨或跳於前或躍於後時自於道左而出於

稠人叢中捉行言而去竟救不獲終不傷其同伴須
得此人充其腹不知是何冤報逃之不獲

出玉堂閒話

京兆人劉子貢五月二十二日因疾熱卒明日乃蘇
自言被錄至冥司同過者十九人官召二人出木括
其頭加釘鑠焉命繫之曰此二人罪重留餘者且釋
去又引子貢問曰此爲何處人曰此皆地獄也緣同
光玉生故休罪人七日此中受罪者暫停若遇其鼓
作罪人受苦可驚駭耳日子貢娶於難江縣令蘇元
宗見元宗於途中問之曰汝人在生好善何得在此

元宗曰吾前生有過故留然事已辦今將生天不久矣又問二子先死者何在長者愿而信死便生天少兒賊而殺見在地獄又遇隣人季曄曄曰君爲傳語語吾兒生前坐罪大被拘留爲吾造觀世音菩薩像一寫妙法蓮華經一部則生天矣又遇其父慎慎曰吾以同光王生故得假在外不然每日受罪苦不可言坐吾彈殺鳥獸故每日被牛頭獄卒燒鐵彈數千其色如火破吾身皮數百道納熱彈其中痛苦不可忍又見身存者多爲鬼子貢以二十三日生生七日

至二十九日又殂遂不活矣

出記聞

李令問開元中爲秘書監左遷集州長史令問好玩服飲饌以奢聞於天下其炙臠罌鵝之屬慘毒取味天下言服饌者莫不祖李監以爲美談令問至集州染疾久之漸篤刺史以其名士兼是同宗恒令夜開城門令問家人出入刺史之子嘗夜與奴出遊至城門遙見甲仗數百人隨一火車當街而行驚曰不聞有兵何得此輩意欲馳告父且復伺其所之尋而已至城濠火車從水上過曾不潰滅方知是鬼走投其

門門已閉不得歸遂奔令問門中處之既入火車亦至令問中門外其子雖恐懼仍竊窺之忽聞堂中十餘人諷經甲仗等遲迴良久有一朱衣鬼徑三踢關聲如霆震經聲未絕火車移上堂階遙見堂中燈火清淨尚有十餘人侍疾朱衣鬼又抉窗櫺其聲如前令問左右者皆走散鬼自門持令問出遂擲於火車中羣鬼擁之而去其子還舍述其事刺史明日令人問疾令問家中餘口無敢起使者叫呼方出云昨夜被驚至今戰懼未已令問尸爲鬼所擲在堂西北隅

重牀之下家人乃集而哭焉

山靈怪錄

西蜀將王暉嘗任集州刺史集州城中無水泉民皆汲於野外值岐兵急攻州城且絕其水路城內焦渴旬日之間頗有死者王公乃中夜有所祈請哀告神祇及寐夢一老父告曰州獄之下嘗有美泉言訖而去王亦驚寤遲明且命舂鐘於所指之處掘數丈乃有泉流居人飲之蒙活甚衆岐兵比知其中無水意將坐俟其斃王公命汲泉水數十甕於城上揚而示之其寇乃去是日神泉亦竭豈王公精誠之所感也

耶疎勒拜井之事固不虛耳王後致仕家於雍州嘗

言之教記耳

出玉堂
閒話

演禪寺古刹也有宋碑記世遠碑存風雨剝蝕惜語
句不能盡解未便採入寺後石壁高峙寬濶數丈時
若雲霧籠罩鄉民遇旱禱雨於前輒有靈應故香烟
不絕

明威烈將軍杜公名勝墓在禹門場墓側里許有杜
氏祠堂將軍事跡無考惟存銅鐃兵器上刻杜勝二
字以此知爲將軍故物今子孫繁衍文武生數人廩

生杜承露庠生杜長甫杜采杜長榮皆其宗裔也

川陝楚老林情形亟宜區處

卓秉恬

爲敬陳川陝楚老林情形亟宜區處仰祈

聖鑒

聖鑒事竊惟普天同化雖犬牙相錯之地原無畛域之分而無業貧民當烏合成羣之時每多嘯聚之患此川陝楚之老林不可不早爲區畫而棚民不可不妥爲撫綏者也蓋由陝西之畧陽鳳縣迤邐而東經寶鷄郿縣盩厔洋縣寧陝孝義鎮安山陽洵陽至湖北之鄖西中間高山深谷千枝萬派統謂之南山老林山陝西之寧羗褒城迤邐而東經四川之南江通江巴

南江縣志

下卷

吳

州太平大寧開縣奉節巫山陝西之紫陽安康平利至湖北之竹山竹谿房縣興山保康中間高山深谷千巒萬壑統謂之巴山老林老林之中其地遼濶其所產鐵礦竹箭木耳石菌其所宜包谷蕎麥燕麥而山川險阻地土磽瘠故徭糧極微客民給地主錢數千卽可租種數溝數嶺江廣黔楚川陝之無業者僑寓其中以數百萬計依親傍友墾荒種地架數椽棲身歲薄不收則徙去斯謂之棚民其種地之外多資木廂鹽井鐵廠煤廠紙廠備工

北省仰賴

聖天子育養黎庶而地不愛寶者也顧人聚既多則良莠莫辨不安本分者時有攘竊之行必年穀豐登糧價平賤各處備工庶幾尚有生計倘遇旱澇之時糧價昂貴則傭作無資一二奸民倡之以喫大戶爲名而蟻附蜂起無所畏忌山內州縣大者週圍一二千里小亦常五六百里地方遼濶耳目難周遇有事必數日聞報數日始至其處非糾結爲匪難以輕動卽剽竊遠颺莫可追捕故居恆互相隱諱浸假而成大案迨以疎防參劾事已無濟且省各有界賊或踰境而

免官難越境而謀各處距會城遠者二三千里近者千數百里不請命則專請命則緩不及事况事連三省大吏客商往返州縣奉飭極在數用後臣愚謂老林區畫之策不能卽一隅而專謀之必當合三省而共議之似須於扼要之地專設大員控制如現在福建之臺灣廣東之雷瓊皆專設守道又如湖南之鳳凰永綏等廳則以辰沅永靖道兼紮其地專理苗疆雖棚民之性情與苗疆不同而老林之險隘實要書所在查現在有苗地方旣以土司土目撫綏於下安

以府廳州縣統治於上而又設道員大吏鎮壓之
棚民於各縣山險之地或聚或散或徙或居若鳥獸
之無羈縛者雖陝西之陝安道四川之川東道湖北
之安襄鄖荆道未嘗不分轄其地可任分則事難專
一界分則官得推諉查鄖陽地方明季曾設撫治大
員嗣經裁撤想彼時人煙稀少因時制宜而然今我
國家休養生息垂二百年生齒日以繁蕪燕日以闢故凡
有山厰可以營生之處勢難禁其聚集若不妥爲措
置必致日久生事此旣辨綏靖地方之策亦非字養

生民之道况卽鄖陽一府而論幅幘之廣幾與安徽
一省埒今僅設六縣以治之惟恐有鞭長莫及之慮
鄖陽如此而川陝有老林之州縣亦可概見伏祈
敕下三省督撫確勘情形詳核時勢應如何變通之處
會同區畫妥善辦理庶老林皆樂土而棚民悉安業
矣爲此奏

聞伏乞

皇上聖覽

摘錄嚴方伯如燧三省邊防備覽

山內營生之計開荒之外有鐵廠木廠紙廠耳廠各項一廠多者恒數百人少者亦數十人賊匪滋事之始有議以各廠人多恐被賊裹誘當嚴行驅散者是大不然凡開廠之商必有貲本足以養活廠內之人必有力氣足以驅使廠內之人工作利其貲值帖然爲用各商護其貲本偵探賊踪往往較官府爲真於開廠之地必擇險峻可守之處結寨屯積糧食賊至搬藏其中賊不能裹也若不准開廠則工作之人無

資以生添數十萬無業流民難保其不附從爲亂故只當聽其經營不可擾也至於聯絡各廠各設卡倫無事安心工作有警協力防堵則耐勞習險之人更有得其實力者是在良師牧之善駕馭矣

川中財貨之饒甲於西南而在山中則綺羅珠璣之類皆無有焉所產者木耳香蕈藥材爲多木耳香蕈廠其蓄樹作架摘取之方與南山無異藥材之地道行遠者爲厚樸黃連兩種老林久闢厚樸黃連之野生者絕少厚樸樹則係栽成於小坡平壩中有筆筒

厚樸言其小也樹至數年十數年如杯如盃則好厚樸矣黃連於既闢老林山凹山溝中栽種商人寫地數十里徧栽之須十年方成常年佃棚戶守連一廠輒數十家大抵山愈高谷愈深則所產更好雪泡山靈官廟一帶連廠甚多

木耳廠擇山內八九年五六年花栗青桐梓樹用之不必過大每年十月內將樹伐倒縱橫山坡上兩淋日晒至次年二三月間將木立起二三十根攢一架再經淋晒四五月內卽結木耳第一年結耳尚少二年最旺三年後木朽爛不出耳矣採耳遇天晴則晒晾陰雨用火焙乾然後打包

香菌廠於秋冬砍伐花栗青桐梓樹杪樞等木山樹必擇大者小不堪用將木放倒不去傍枝卽就山頭坡上任其堆積雨淋日晒至次年樹身上點花三年後卽結菌可收七八年至十年後樹朽壞不復出菌菌於每年三四月收採先用火烘乾再上蒸籠蒸過然後裝桶

川北沿邊通南巴廣四處無鹽井鹽之行陝西者廣

元為要道商販間有爭競

南江縣道路考

東里九十大河口里五十官田壩里五十分水嶺里三十青峪

口里三十新場里三十石嶺子里二十通江嶺嶺難行

南里四十黃柏林里二十沙河子里四十慈溪場馬掌舖

里三十兩河口里三十元灘里三十棗林舖里三十巴州河灘

間有坡嶺馬可以行走

西里四十大南灘里四十羅家壩里六十分水嶺里四十九曲

場里三十白馬廟里四十南莊關嶺廣元洲出坡小路

南江縣志 下卷

東北里十二段渠里三十乾溪里東十碾盤壩里三十官場里三

里水天壩坪里五十龍神殿里三十麥子坪里三十乾溝里

西襄城縣界自富場以地即入老林蒼雲碧岫嶺行

由沙河子東里四十李家寨南江未築城官長守此寨中

北里四十柳埡子里四十觀音巖里四十貴民關里五十沙壩

場里三十木竹壩里二十硃壩通江縣屬西河口里六十廻

軍壩陝西南鄭屬車家壩里五十漢中府貴民關以北即入老林徑

路崎嶇為巴山幽險之處

北里二十馬尿溪里二十柳埡山里二十化靈關里三十蟒洞

壩進老林貴民關北里一百楊柳溪與通江縣接

北由流溪塘里三十楊家壩里六十牡丹園里三十靈官堂

三十龍神殿分路四兩河口里一百二陶通嶺四十龍

潭壩里四十桃園寺里二百六鐵爐壩里至縣城三百二十

一百四

由龍神殿里五十雄通巖里三十雙土地林皆老

由龍神殿分路里三十五塊石里二十彭家壩里四十霍房

巖里三十黃犬河褒城界

由霍房巖分路里三十七眼泉里三十白頭灘里一百四城

南江縣志

下卷

牆巖交陝西寧羗

由白頭灘分路里三十洪巖里二十青包山里四十活佛溝

交廣元縣界均老林

由縣城里五十穿洞子里五十青峪口里四十火石子里四十

瓦冶坪營係陝西定遠廳所管從